

晚晴籟詩匯

第二十册

晚晴移詩匯卷五十目錄

孔傳鐸 三首

高其佩 二首

高其位 二首

范承勳 二首

范承烈 三首

揆敘 五首

喻成龍 三首

曹寅 十六首

戴梓 三首

田肇麗 三首

江藻 一首

汪天與 五首

華藹 二首

方登嶧 二首

成文昭 九首

李興祖 二首

張霖 二首

劉廷璣 十一首

何林 二首

陳廷弼 二首

魏荔彤 二首

仇昌祚 一首

李鍾麟 二首

王煥 一首

張雲翼 八首

馬三奇 一首

洪斌 一首

管榆 十二首

馬庸德 三首

彭蠡 一首

周宋未 一首

萬言 一首

王汝驥 一首

邵錫榮 一首

佟世思 三首

王典 二首

張柚雲 一首

李文秀 一首

孫芝蔚 一首

趙執端 二首

陶孚尹 六首

馬源 一首

王建衡 二首

曹耀珩 一首

舒芝生 一首

張橋恆 一首

劉獻一首

陸進二首

李天任三首

萬崇義一首

鍾元鉉一首

楊自牧四首

張之澄一首

卓爾堪五首

孔毓埏一首

曾衍櫛一首

仲承述一首

孟貞仁一首

東野沛然一首

傅仲辰一首

晚晴移詩匯卷五十

徐世昌

孔傳鐸字振路曲阜人龔封衍聖公有申椒盟鷗諸集

詩話振路早歲稱詩申椒盟鷗二集爲未龔封時所作有弔五人墓詩曰倡眾殲緹騎千秋義未伸由來誅亂賊焉用讀書人勝國山河改空祠俎豆新三良臨穴喘猶讓爾精神歸愚采入別裁第二聯曰由來殉義客何必讀書人頗爲世傳誦餘語亦有異同不知爲振路自定抑歸愚所點竄下語有分判實視原勝本爲

泮水

魯侯到今日不知幾千年宗社凡幾易城郭亦幾遷如何
一曲水獨在城南偏昔人採芹藻今人來種蓮相彼蓮與
芹同一水上鮮披襟歌魯頌物色固依然千乘時戾止車
馬何駢闐嘉彼德音昭因之遺澤傳咄哉靈光殿漠漠生

荒煙

重刊先世北海集有述

曹瞞柄漢政劉氏頽三綱豈無名流士大雅皆淪亡遐哉
管幼安阜帽去遼陽咄嗟華子魚末節何猖狂其餘建安
子仁義志久荒草檄愈頭風借面以弔喪碌碌何足數誰
爲聲價昂列祖北海公風厲不可當矯世敦古道獨論盛
孝章觀其友彌生抱負豈尋常裸衣罵廣座搥鼓聲悲涼
非公孰具眼彼此相激揚瞞也狐鼠儔公眞威鳳翔當其
未遇害漢祚固無傷曹孔不兩立薰蕕互相妨惜乎時不
遇盡室竟罹殃太阿雖屈折不失爲至剛三復此遺編使
我增慨慷斯文在異姓固當爲表彰況乃先世賢遺琴猶
在堂梓之附家乘用戒永珍藏

望繹山

薄暮驅車過魯臺，
鳧山青遠繹山來。
地餘碑勒秦皇篆，
天借桐爲禹貢材。
萬石玲瓏堆洞壑，
一松夭矯託雲雷。
無由駐馬探奇勝，
滿眼征塵首重回。

高其佩字韋之號且園漢軍旗人由知州官至都統

詩話且園指畫奇情興趣爲世所重張瓜田尤稱其筆畫之妙要以神采機趣勝其述畫詩自道所得也

題畫贈僧

入歲風雪多，今始天宇晴。
攜客叩禪關，曳杖溪上行。
老鶴作寒語，野水迴春聲。
灑墨寫幽抱，磊落抒平生。
萬翠暗浮几，激射斜陽明。
願爲山中人，薄田事躬耕。

述畫詩

吾畫以吾手，
甲肉掌背俱。
手落尙無物，
物成手卻無人。
甫

附錄宋言圖卷三十一
具兩睫便見雙瞳珠情性本萬殊所事因相符貴之料弗
慕賤之甯受呼易老在用智不老緣其愚於我畫可見非
我手可摹

高其位字宜之號韞園漢軍旗人襲二等輕車都尉官
至文淵閣大學士諡文恪有韞園遺詩

自荆詣襄途次雜詠

霜林遙望燦瑤華紅樹依稀景倍加雙竹肩人添逸興淡
煙疏雨付詩家

村舍隨緣十日留翛閒端不羨封侯雪泥鴻爪天涯路幾
許閒情伴白鷗

范承勳字銘公漢軍旗人官至工部尚書

墨雨庵

夜掩柴扉偶誦經無端喚出古龍聽墨花飛處文章大寫
向虛空字字靈

石香橋

紅是花光碧水光落花襯石石生香隔谿若有吹簫伴何
必天台訪石梁

范承烈字彥公漢軍旗人官至戶部侍郎有雛鳳堂集
夜甚寒曉後大風因憶家學士出獵未歸賦以誌懷
永夜衾如鐵風寒天又明銀鐙收冷燄戍角帶邊聲獵馬
馳何地荒煙繞暮城幾時圍校罷一望野雲平

九月菊下計友人去程

無限思君路漫漫秋水長幾時歸舊隱今日是重陽貧共
漁家飲寒分楓岸霜臚播背指處應念菊花黃

郭快庵太史齋聯有愛菊能將酒醉花之句足成近

體

落葉侵階日已斜
閒披古史就窗紗
開軒竟以竹爲友
愛菊能將酒醉花
栗里惟栽陶令柳
青門孰種邵平瓜
寒山幾點牛羊下
老樹亭亭盡暮鴉

揆敘字凱功號惟實居士滿洲旗人蔭生由佐領官至

左都御史諡文端有益戒堂詩集

詩話凱功纓紐承家篤尙風雅延查初白於邸第請受詩法集內詩多辨香初白才調雖亞於其兄容若亦一時之佳公子也

鷹坊歌和他山夫子

西郊天闊沙茫茫
高槐古柳溪風涼
地偏寂寞少人住
但作甌脫供鷹坊
中有海青最神俊
竦立毛骨森昂藏
金眸

玉爪異凡品下視哮虎如跛牂側眼似覺天地窄常思一
舉摩穹蒼憶昔遼代最珍貴女真貢獻交相望搜求無厭
旋致禍兩國轉眼悲興亡至今黑水留異種雕籠競致來
遐方五陵年少頗好事愛玩豈惜千金償嗟汝生性特矯
捷隼鷃未許隨肩行長緜羈紲豈初意歲月浸久成馴良
關山秋暮盛羽獵商飈倒捲塵沙狂飈身直上入霄漢快
若駿馬初脫韁駕鷲潛飛雛雉避雲羅萬里無遮防老拳
勁翮奮搏擊風毛雨血齊飛揚天生羽族亦有命飢雀叫
噪悲空倉林邊野鶴骨立瘦度腹僅得分餘糧爾形襍
亦安用終朝肉食恆充腸人間生計總媿汝翻笑溪獺銜
魚忙侏儒方朔異飢飽萬物榮悴真何常況今飛啄本同
類強弱吞啖堪嗟傷何當忘機效海客驅逐猛摯延奇祥

羣飛眾動各適所丹山鸞鳳常游翔桐花搖落期不至老
鴉攫肉紛路旁且隨韓媽逐金彈排風毛質看騰驤

讀秋筮集有感卽效吳夫子體

開卷颯颯悲風生彷彿紙上聞筮聲楊朱自向歧路哭王
粲豈免思家情弱齡文章超流輩洛下傳聞紙增貴嘉譽
曾標三鳳凰就中季札尤稱最從來才命兩相妨失水搏
風豈有常未許扁舟歸鶴市翻教盡室竄龍荒骨肉流離
滯邊徼混同江冷霜飛蚤亭伯空銜去國悲初明漫上通
天表嚙雪吞氈二十春飽經險阻歷艱辛鶯花尙憶江南
月節序徒傷漠北人時時握管摠情素萬恨千愁此中露
生還雖賦草堂詞旅夢猶驚甌脫路我昔從游騎竹年遺
編展翫淚潸然休言塞外心顏苦剩有人間著作傳

清明日維揚舟中作

雨絲吹徧杏花風，令節吳州插柳同。

名勝志：廣陵在後周爲吳州。

十里

尋芳輸杜牧，全家上塚羨龐公。無邊麗景王程裏，有限韶華客路中。更喜前行煙月好，輕帆明日過江東。

宋中丞牧仲以宋本施註蘇詩見惠賦此奉謝

飛空仙人厭蓬壺，游戲下作眉山蘇。興酣落筆有元氣，迴

幹造化吞江湖。辭雄義密援據博，讀者豈易探根株。俗傳

王註多假託，穿鑿附會欺庸愚。吳興司諫扶天輿，磨丹閉

戶窮朝晡，景蕃該洽助商訂。

陸放翁施註蘇詩序：可諫公以絕識博學名天下，又助之

以顧君景蕃之該洽。

四十二卷同。瑤瑜天荒地老，歲華改鼠嚙蠹蝕。

塵泥汗公安，得此嘉泰本。篇帙雖缺，神敷腴。勤補綴，付

劄劂膏澤，要使均沾濡。獨留舊本自吟賞，豈散鱗爪藏麗

珠忽然惠我意安在勉以文字相嬉娛嵇康疏懶學久廢
往蹟尙可談其麤先生數奇困讒口備歷患難投艱虞遺
文何罪遭禁錮良玉豈憚經洪爐甯期曠世有自己笠屐
靜對真形圖中丞曠得東坡先生笠屐圖自題其後寸縑尺蹏費拮據零落
幸免拋榛蕪春風水國花事好輕舸遠涉東南隅新筓旣
醉吳市酒異味行啖松江鱸更驚祕簡落吾手喜極不盡
狂歌呼辱公期望恐難稱大愧識字耕田夫攜歸留作最
後供古香繞座無時無

禾中留別竹垞先生得五百字

吾兄昔好客結識俱英賢就中公最親如影依形然每因
曝直暇觴詠偕歡妍門前淅水亭亭外泊小船平池碧藻
合高樹紅櫻懸仰窺城西山俯聽檻底泉有時把綵筆按

譜新詞填或撫姜白石或效張玉田有時作八分鸞鳳爭
翔騫中郎及丞相屈強堪比肩晨游轡屢並暮宿牀必聯
陽烏出復沒顧兔缺再圓相將移四序謂可終百年百年
詎足保一旦忽棄捐伯兮旣下世客散如雲煙公亦厭承
明返棹駕湖邊湖寬百餘頃中有蒲與蓮宜晴復宜雨倒
映東南天愁來卽泛艇興到或扣舷試哦康樂句空水共
澄鮮頗諸物外好永謝區中緣先生問世才墳典咸貫穿
發而爲文章力若橫海鱣上登最高峯下探不測淵賓筵
列鐘鼎武庫羅戈鋌自從唐宋後繼震川荆川賦詩乃餘
事精妙非刻鏤騰軒駕天馬追逐飛空仙歌吟窮乃工著
述老愈專源流考經籍鄭馬爭後先降及有明詩搜輯一
代全又曾集舊聞析木窮星躔囊中每攜此山川載圖編

偶然披卷看，在越如在燕。劉侗應避席。

明麻城劉侗撰。帝京景物略。

何

況儕輩焉。我生苦失學。丹黃乏磨研。塵埃困趨走。歲月驚推遷。常思聽公語。坐使美疾痊。前年寓金閭。樽酒虛招延。先生來叩門。剝啄驚晝眠。舊聲尙能識。但益毛髮宣。話子幼時事。歷歷皆眼前。揮毫書短箒。綴以詩四篇。熒煌燦珠貝。馥郁堆蘭荃。離居幾何時。遽若脫矢弦。今年思久聚。別袂翻難牽。秀州樹叢叢。河水鳴濺濺。此時與君別。悵快心如煎。乖違知不免。會合期恐愆。江干倘相憶。毋吝魚書傳。喻成龍字武功。漢軍旗人。蔭生。由知縣官至湖廣總督。

有塞上集

紫霞關

蒼翠落層巖。高原失炎暑。鬱紆望煙霞。盤旋無處所。危巢

迹樵蹤深林聞人語蕭瑟吹山風落花紅寸許

暮春登銅陵天王山

攜筇來北郭覽勝正酣游山靜情疑古松聲冷欲秋野花
隨地發江水到門流雨歇荒原暮平田起白鷗

聞笛

夢裏悠揚橫笛聲高天露下共淒清愁來江漢人何處望
裏關山月倍明萬里孤雲隨絕漠十年羸馬更長征誰知
一曲終宵怨霜雪無端兩鬢生

曹寅字子清號棟亭漢軍旗人歷官通政使兩淮鹽政

有棟亭詩鈔

詩話棟亭當康熙全盛之時尙衣冠權久駐江淮風
雅好事富有藏書尤多鈔本校刊諸書皆精美想見
承平盛事詩出入唐宋鋒穎森然而有事外遠致竹
垞稱其博綜羣書練習掌故又熟於詩派多師以爲

師非虛
譽也

坐宏濟石壁下及暮而去

我有千里游愛此一片石徘徊不能去川原俄向夕浮光
自容與天風鼓空碧露坐聞遙鐘冥心寄飛翮

曉游潭柘寺

諸峯雲未開前途馬已駕逡巡飯行人縱覽忘深夏幽光
蒙青林輕陰散丹榭古跡不可追依稀見殘柘坐聞流泉
哀百折空亭下

不寐

月落林屋暗寒鏡耿幽光鄰雞私呷喔冰聲裂方塘既醉
復思夢神清愁亦忘曉車如秋潮雷鳴過空堂塵役苦無
厭俯躬自徬徨

古北口中秋

山蒼水白卧牛城三尺黃旗萬馬鳴
半夜澶州看秋月河山表裏更分明

菜花歌

吳中菜花天下無平疇照耀黃金鋪
朝陽夕陽幾百里惟賸白水連青蕪
四月吳中春始足四郊花氣穿城瀆
平分千巷畫船閒農家兒女無拘束
農家兒女飯出游踏歌不出畦兩頭
蠶繅絲二麥穗油菜結子柔桑抽
勸農使者停征稅廳前畫諾花前醉
水曹散吏舊期門也騎細馬傍山村
君不見他鄉井徑無尋處春風遠拓
黃花成含哺鼓腹只吳儂菜花中朝
菜花暮

雨霽過滄浪亭遲悔庵先生不至和壁間漫堂中丞

韻

領略南禪茗一杯滄浪亭上步紆迴野雲閣雨都乘趣亂石分崎自起堆士女閑拋寒食過郎官游及菜花開赤欄
晚晚添春漲鼓角頻疑小隊來

題畫有感

蘆花楓葉誰能詠落木飛鴻漫乞詩一段寒江魚網水空
簾看到日斜時

格是欲歸歸未得還堪作想想難憑平生下筆持公論千
古風流張季鷹

惠山納涼

柳上一蟬鳴不已柳下迴風激流水老僧掃石待清眠勸
客睡心先睡耳我耳初離市朝語喜聽清商變繁徵九龍

會意散煙鬟，傳翠揚顰三十里。詎識塵埃襍，襪子機礎炙。
熱爭餘滓面具，衣裝弄假人號。是裸民應未恥，張腋無汗。
顙無泚前山，落日波純紫。臨風叩齒漱寒泉，今夜移船太湖尾。

讀洪昉思稗畦行卷感贈兼寄趙秋谷宮贊

惆悵江關白髮生，斷雲零雁各淒清。稱心歲月荒唐過，垂
老文章恐懼成。禮法誰嘗輕阮籍，窮愁天亦厚虞卿。縱橫
捭闖人間世，只此能消萬古情。

孟秋偕靜夫子魚尊五般六過雞鳴寺

遂有尋詩侶，青林引興前。僧荒太平日，地創永康年。香際
憑高鳥，湖風浴早蓮。悠然坐蕭遠，煙雨閱諸天。
鸞輪飛十代，秋草屬前朝。聖蛻隨遷化，凡情墮寂寥。頽城

疑護埭老樹強題蕭洵瀘河沙在能忘爪髮銷
睡足平生事山窗絕見聞孤筇臨別路萬竹倚斜曛白業
雙林靜青溪一曲分應披精進鎧長此卻魔軍

署樓寓目

頓邱柳色亂煙鬟胥浦漁帆杳靄間殘日一輝終戀水奇
雲百變不成山羣飛鳧鴨迎潮去結隊蜻蜓送雨還好倩
長風掃晴翠緩扶明月下銀灣

題啟南先生莫斫銅雀硯圖

未央宮中一尺瓦不知遺恨漳河下錫花雷布誰作模鴛
央離合無真假阿瞞心雄天厭足平生只欠西陵哭飛來
銅雀亦辜恩可憐難覆如花肉與奸作瓦罪莫辭與人作
硯遭磷淄粉身何惜鹿盧碎渴筆恐辱屠沽兒隱君正史

先救硯麟經獨炳丹青傳君不見瓊林寶藏無不收王莽
之頭斬蛇劍

西軒納涼口號效誠齋體

滲綠鎔金素壁開長廊午後好徘徊明知不藉西風力橫
被高梧壘斷來

戴梓字文開仁和人署監軍道授翰林院侍講有耕煙
草堂詩鈔

出獄口占

已解囹圄困翻生離別傷遙憑南去雁不死慰高堂老母時在揚州

題山樵疊障圖

每到臨池憶舊游筆端髣髴楚山秋汨羅水急人何處巫

峽雲深雨未收拔地層巒猿叫嘯參天古木烏鉤轡十年
不到空衰鬢孤負江干舊酒樓

游復園觀海

曉風吹薄袂斜日到高堂門柳千章翠籬花一徑香怒潮
歸海舶黑蜃隱扶桑天水茫無際南雲是故鄉

田肇麗字念始號蒼厓德州人官戶部郎中有有懷堂

詩集

詩話蒼厓山薑侍郎子也爲戶部郎康熙五十年監
倉始兼命漢官蒼厓得富新倉鉤稽謹密風弊一清
旋以病告歸 奉陵在潛邸嘗被命督察知其廉嘗
詢疆吏命送部引見蒼厓已病不能起賦詩紀恩遇

秋日雜詩

老樹間柴門端居閱秋序意象日疏豁露繁草半俯扶杖
繞階除苔淨綠可數孤雲覘我暇紛紛來庭戶黃綠蓼花

前悅此好情緒檐鵲夕聲喧新月已遙吐

秋夜不能寐況是瀟瀟雨滴瀝聲未歇唧唧蛩音縷輾轉
聽蕭瑟苦憶東坡語老淚來何從殘夢去無緒數漏懷遠
人落帆在何許

讀陶靖節傳有感

掉兀窮廬酒一樽歸來松菊幸猶存沈吟獨怪柴桑老敢
向人間說閉門

江藻字用侯號魚依漢陽人歷官工部郎中有陶然亭

詩草巖泉一勺集

詩話魚依初牧龍巖擢工部郎中充密廠監督見南
廠有慈悲庵庵西陂池水草極望清幽因構亭於其
側用樂天一醉一陶然語書榜懸楹是歲爲康熙乙
亥自是遂爲城南游讌勝地乾嘉以後名人集中往
往有題詠至今二百餘年春秋佳日登臨憑眺蓋猶
未替魚依題詩未免冗弱過而存之俾續考日下舊

聞者有
所徵焉

陶然亭

家世結廬江漢上黃鵠溪頭獨來往一朝作吏去鄉邦闔
海溟雲歎鞅掌卻辭五馬入皇都手板鑪香畫省趨敢謂
詩人例水部欣當盛世分工虞晨光到署荷同輩清漏入
朝聯友于心閒恆看紫塞雁身勤慣聽城頭烏薦達頻加
思效職列廠縱橫辨埏埴庀材鳩工古所重和土鈞泥今
倍力紛劇甯教阻靜便聊尋丈室學安禪繩牀櫻拂依初
地粥鼓鐘魚響梵天每憩西偏意疏豁遙峯爽氣當吾前
帝城近抱若几案方塘碧水淼淼泉憑高俯瞰百里內南
山一帶相鉤連於茲卜築頗軒敞風光澄淡景物妍鑿基
列砌不數武架楹覆瓦期牢堅結構雖微可乘興槐眉小

署名陶然自春徂夏頻來此佇立晴簷還隱几蒹葭搖曳
出人家鷗鷺踟躕下池水涼宵千頃霽月明霜天萬竈寒
煙起三時眺望盡有得老樹寺門閒徙倚綠野平泉總莫
論一邱一壑茲焉是游寓方當輦轂下踟躕直在祇園裏
諸公攜酒肯經過觴詠相將俱色喜我生懷抱本陶然坐
卧其間亦足矣九衢車馬日紛馳誰信鷓鴣寄一枝他年
縱與京塵遠尙想西山拄笏時

汪天與字蒼孚號畏齋儀徵籍歙縣人歷官刑部郎中
有沐青樓集

游黃山

已買富春舟帆挂漁梁下欲去橈忽停且命山中駕山僧
昨夜來爲道山靈訝如何獨我遺詎待畢婚嫁清淨債須

償曷不十日假一路涼風生山深豈知夏時雨慰三農高
低看穉稔村雞雲中鳴飛泉樹杪瀉升高自雲嶺步步穿
石罅百里山程遙楊川連洽舍人家如絡繹著姓惟蔣謝
伊昔我先公外氏締姻婭中此地開先司馬南明公著書處名曰洪中
文壇擅無亞賓從日如雲游賞恆卜夜我來覓前蹤蒿萊
沒臺榭石梁壞何年雙溪獨木架病涉漲偏多行人每舌
咋長者誰捐金飛虹復將跨雙溪石梁傾圮今行僧募修將成行僧佛嶺
徒知我遠相迓爲言程已半明日到猶暇山蔬供飽餐一

榻禪房借

侵晨宿雨收煙雲生馬首輕風拂面來繞足清泉走萬山
亂縱橫忽覩雲門陡華表雙撐天聳峭得未有青鸞與蓮
花次第雲中剖似見浮邱公遙遙爲招手從茲入仙境十

步攀确九俗駕期不來何用猛虎守一泓湯泉清容我滌
塵垢水從地底温物理可格否山僧持茗來迓我意良厚
祥符雖古刹徘徊未能久鼓勇陟慈光宵深摘星斗

灌木常陰森香風吹不住言尋桃花源浮溪石橋度狎浪
閣飛騫正砥飛濤怒照影白龍潭毛髮紛無數汗流忽起
粟盛暑怯凝洵勿謂龍貪眠時有白雲護拄杖沿谿行不
知日云暮

西海門

鳥道直穿雲不假盤旋上有時膝代足手捫那容杖目眩
怯回頭坐穩時一放精神猶惚恍心胸爲滌盪力竭到峯
顛平衍神忽王亟趨西海門路轉光明藏千峯劃然開紫
翠呈萬狀夕陽在西麓倒射芙蓉帳攀衣叩巨靈仙窟何

形明集卷之三十一
三
年創亂石插碧霄玉屏列丹嶂雲巒一萬重三神山在望
安得躡仙蹤且快茲游壯

穿鼇魚洞渡蓮花溝上交殊頂

巨鼇潛海中何年此遷播古洞恆陰森屏息不敢唾僵僂
穿脅山延緣捫脊過眼前一松橫根嵌石壁破徑度蓮花
溝心膽寒無那懸厓如泛虛股栗神已愜每涉懼不測回
頭凜相賀初聞笑語喧漸覺聲不作降若探龍淵陟如轉
蟻磨九地升九霄始達獅子座蓮花入雲開蓮蕊日以大
迎送松依然澗底龍猶卧至此筋力疲藉草一少坐歷歷
憶生平乃慣經坎珂

華藹字吉人號龍山浙江甯海人貢生歷官刑部員外
郎有龍山詩集

老僧歷言往事述以誌感並有贈言

山中老僧年近百相遇能將禮數執高談竟日可忘機倚
杖臨風面山立數十年中世事移歷言之非勦襲守邊
將帥少生還姓名屈指猶記憶此地由來民力艱離亂兵
荒偏不一山川如故生靈希感慨當年猶戰惕於今已歷
五十秋邊方約略烽煙熄流光一逝不復還追思往事堪
悲泣老僧只在此山中一塢白雲伴枯寂長安多少美王
孫風采豪華如結習宦海茫茫未可知人心大半多荆棘
何如野衲長幽棲不是枯魚慎出入

工所卽事

蒙安陵寢也鴉步步行也木克木也阿林山也威勒成造也俱清語

蒙安供董率鴉步共追陪天際風花合山腰龍窟開工期
歲月積俗吏斗筲材落日歸旗子鳴雞喚小催鑼敵夫上

檣柳擊匠登臺地勢憑穿窺宮門任往來
旁聲震空谷鋤隙及荒峽日色凝黃瓦雲光映白
灰勝車推餉食驛馬送銀枚木克飛晴練
阿林結翠堆何時威勒竣不必陟崔嵬
方登嶧字鳧宗號屏垢桐城人貢生官工部主事有依

園詩略垢硯吟墨硯齋存橐葆素齋集如是齋集

詩話鳧宗爲坦庵詹事孫樓岡學士子嗣從父兆及後高門家學早負詩名樓岡身後遭文字之禍全家徙塞上方氏至此已再徙矣鳧宗謫居中不廢吟詠古詩得樂府神理七律亦雅健

端州采硯行

紫雲硯采端州畔端州城峙泮泮岸峽束羚羊復北趨十里青山聳天半山腰有穴僅容人山腳端溪流淅淅溪源暗與穴凹通積水灌中泥不暎瓠罌往汲如傳杯水枯石出寒雲散豚膏然紙匍匐行旭日無光曉不旦俯身直入

中漸寬東西中洞三塗判西洞望之皆卻足劔鑿傷厓厓
 欲斷中洞東洞半里穿巖壁嶙峋起玉案上巖石質豔且
 純馬肝色比朝霞燦質潤色青分中巖不及下巖居其冠
 微白冉冉淡秋光撫手摩之生石汗石髓精華結淵底生
 成獨與水爲伴七暈九暈鸚鵡睛微塵細藻秋花亂鸚鵡眼或五
暈或七暈九暈暈數有奇而無偶有暈無睛者謂之死眼
有睛若潰者謂之淚眼黃白色者鴉眼長者象眼圓而綠
者鸚鵡眼也置水中若蘋藻浮動其內欲散不散氤氳生互
曰青花二者惟下巖硯備之餘皆無 虹氣聚黃龍貫石紋有黃而長互 蕉葉凝脂鱣血紅雀點
 斑斑灑墨翰白而潤者曰蕉葉白旁色赭者曰 細粟丹砂
鱣血邊點墨痕相比者曰雀斑
 玉帶長絲勻翡翠苔花曼紅若栗者曰珠砂斑白凝于綠
者曰 奔爲火捺聚金錢絳雲割取分霄漢紫氣奔而灑汁
者曰 奔爲火捺聚金錢絳雲割取分霄漢紫氣奔而灑汁
圓若輪者 水衝石蝕蟲齧餘黃金細縷添宮綫石闕盤旋
日金錢

日蟲蛙紋黃龍之細若縷日金縷

三巖辨色色不同壘取無掩瑩光面朝

天巖產阿婆灘硬硿易紊玫瑰街朝天巖阿婆灘皆產石亦佳易與水巖混

坑北嶺屏風山披離敗錦松紋見西坑北嶺屏風背皆有石或紅白模糊如敗錦

或間道如松宣厓虎患采者稀坑遠梅花質尤賤宣德厓

紋下品也山半宣德年所開品居朝天巖上而不及水巖梅花坑去

下者端溪四十里產石多鴉眼至數十百光滑而易裂石之最

也什襲琉璃百硯充不及水巖餘一片香山宰相何者

粵制府吳伯成前後開巖相繼武鉤索不惜捐千金尺寸藍

田雜劬斲日役黃岡數十人黃岡去端州十里村人以取硯為生此硯數也胥吏

督程運斤斧匿好獻醜工師情荆璞由來能預剖迂性生

平有硯癖操舟三泊黃岡浦比戶千家琢石聲村民恃此

充羹釜購得下巖六寸餘五星灼耀東南聚色和容暎融

春膏昭儀臂滑羅襦舞舞瑩潔神凝太液冰生氣濛濛時欲

雨緹縉十重等鴻寶磨礪搜輯心良苦產者無多購者多
山靈側耳聽我歌硯兮硯兮慎所擇須向石渠虎觀揮毫
馳騁帝王側否則窮深山游大澤枕圖書而倚巖阿供高
人文士淋漓紛葩之筆墨毋入富豪叢毋使市兒竊終古
風塵埋玉玦硯兮硯兮生莫竭常使霄漢之間饒奇物待
我他年此地續舊游買船載石神術移山向吳越

姪莊攜何陋居集甍庵集詩讀之感賦

五十年前罹禍日征車行後我生時豈知今日投荒眼又
讀先人出塞詩久遠孫謀文字累蒼茫天意始終疑攜來
笑爾非無意似此生還亦有期

成文昭字周卜號過村又號鈍農大名入候選主事有

暮觴集

詩話周卜生長貴盛纖瘦類山澤癯嘗從田山藪愛
問詩法其詩壯偉跌宕以韓蘇爲宗而七古尤與東
坡爲近紅豆樹館詩話稱其開闔變化自成一家言
無儀形飾貌依傍新城門戶之習未始非豪傑之士
性好名山山水又喜從賢士大夫游嘗謁宋中丞於吳
與朱竹垞檢討暨山言俠君諸子朝夕討論故所作
壯而愈工

晏起

雨後天氣佳夢回失春曉起起復敲枕靜意入幽眇晞髮
忘巾櫛修廊百迴遶婉變城西山弄晴呈窈窕隔江送青
來一變一態好偃仰興孤往游泳愜懷抱有時命琴樽軒
楹淨灑埽以此悅性靈永言謝煩惱

長句贈雲生卽送其北歸

劉子富才何嗇遇性甘淡薄心平恕興勃勃然從我游一
載拘攣江上住二月三月春正好行歌被酒尋野趣高峯

寺裏澹公園桃花李花開幾樹子規多事忽弄聲叫得劉
郎要歸去斷紈碎墨束巾箱敗毫剩橐纏無數蠶絲麥穗
酒旗風如油滑滑江邨路秃尾驢子踏落英模糊山雨垂
楊渡重來之約在秋暮記得叮嚀握手處

武勝關

天險豫疆盡魂消楚塞絕雄關閉烏道守不用寸鐵崖懸
壓雲沈樹蟠嵌壁裂日慘未蒙雲天黃正釀雪不雪游子
便有雪老農悅石齒結冰嘶馬足瘡欲折荒坂野燒餘青
煙亂起滅使我手足僵就之生炎熱

巴子店

灌木結陰籐苦竹遮徑惡冒衣刺馬足避路屢迴錯千峯
怒忽回長坂坦如削返睇萬仞青搖搖勢將落自顧山水

耶耶集言臣名三
懷平生不蘄弱千秋揖古人一席卧廣漠放眼凌八荒騰
足周五岳翩翩鴻鵠翔四顧何寥廓山癖與水淫天涯未
寂寞

嘉魚縣

苦霧蒙孤城遙遙失兩岸狂飈撼地軸雪濤噴天漢萬浪
夾一舟喜懼剛得半黑鴉唳上檣篙師詫神喚殺雞燔楮
泉舞禱豈容漫天吳怒小霽浪外千鷺散山痕髮髮青帆
影絲絲亂人生胡不歸定魄有餘歎

石鐘山

石鐘之山天骨異皺瘦透露凌崆峒上下屹立距百武爭
雄長如齊楚邦嵌竇俯疑探蛟窟嶄巖仰訝垂星杠搏人
陰森萬奇鬼撩衣銛利千鋒鏗眩神已入諸葛壘緣身若

舞都盧撞邃壑有風撼地軸遙空一綫開天窗我來見形
神欲王聆其聲也心應降函胡清越桃花汛噲吟鞞鞞秋
風縱沙肥石涸不掩趾微餘細鱗流淙淙韓公南岳蘇海
市將循例請真愚蠢萬石蒲牢於茲大奈何將以寸莛撞
去路不能無餘戀小舸危纜牽橫缸千帆片片滿落照一
盞焰焰燒明釭笥書快翻徧百卷儲酒急倒盡半缸酈元
註古筆云雋眉山記好文無雙拏舟絕壁興可邈一梳殘
月流空江

冒雪訪靈臬留飲話舊

過江訪名流長衢磴春雪犖確雙屐鳴灑裘見飄撇蕪城
記識君懷抱爲君竭淮陰復判袂離懷劇紛折日月忽不
居三年憂懍懍魚素一再通慰寄亦更迭歲寒一寸心相

期無作輟我汎楚江來相思腸百結今日叩君門拜君謝
久別隔牖竹風驚排簷冰溜咽圍爐話一鐙佳吐霏如屑
桐城戴褐夫筆如劍砥鏘灑灑千萬言才大罔羈縛懷甯
劉古塘五字妙綽約陶鎔漢魏間峻潔不蕪弱君常評兩
君愛其態磅礴無意附時賢有眼到古作充其筆所至直
欲無空闊鯁生抱痂癖枯吟窮鑿鑿摛辭乏精英冥搜滯
糟粕自顧意不强足供人嗚噓君獨謂不然試學二子學
胡不讀離騷二百再咀嚼排募入貼妥纖豔歸淡泊我初
不子欺子無宿我諾

人生幾合併難可預期擬冀君主我人

謂孝水

懷友念鄉里

花晨及月夕有歎不容已予時勉慰之君歸日可俟君歸
定念我與今念友似我安得好懷二友夢寐裏言之大笑

樂星霜速以駛我忽來江南對君念龔子龔君念二友此
日增愁壘我將歸對龔語此還思爾君甯置二友相思復
謀始山水自高長夢魂還尺咫人生幾合併天風蓬蓬耳
李興祖字廣甯漢軍旗人歷官山東布政使有課慎堂

詩集

旅店和沈繹堂先生壁間韻

十年常作客一宿似還家古道多垂柳荒村正落花岸侵
谿水闊雲淡夕陽斜壁上詩堪和揮毫趁晚霞

丙寅春日判瑞田三過訪琅琊署

綠柳紅花逼禁煙解貂酤酒縱留連買山惟乞分司俸餉
客還餘博士錢劇飲頓能消久渴深談猶是勝高眠流光
莫聽輕拋擲旅次春風又一年

張霖字汝作號魯菴撫甯人貢生由主事歷官福建布

政使有遂閒堂集

寄懷念藝弟

江上不宜秋秋容動深省南岸楓葉丹北岸荻花冷天空
無碧雲雁字排高影舉頭送鴻雁目斷關山迴豈不羨奮
飛同羣苦未整吳江接楚江愁思徒耿耿

晚望

萬家炊不止煙起半天橫海氣東來合雲林北望平風寒
疑作兩月黑早關城小艇歸何急漁燈一路明

劉廷璣字玉衡號在園漢軍旗人廕生歷官江西按察

使降江南淮徐道有葛莊詩集

詩話在園詩有人評之曰此出入於香山劍南而未
純者在園深避其言孔東塘長留集取在園詩爲之

冠

感懷

涼飈擊疏牖
東雨落空階
悲秋秋已盡
所感在冬懷
人生無建立
草木同塵埋
進幾無所成
曷若勇退佳
臨期重躊躇
未能便乞骸
保身就散秩
亦可免擠排
撫景發長喟
本性不欲乖
點檢舊竹杖
整理新芒鞋
願言結一廬
白頭傍清淮

奉化道中柬施明府

百里孤城晚
秋風上野航
溪聲爭亂石
山色變殘陽
宿鳥全依樹
農夫半在場
使君清且簡
茅屋慶倉箱

夏日漫成

不似在官衙
蕭然野老家
閉門三徑竹
隱几一瓶花
有月

池先覺非風柳已斜
圖書千萬卷原是舊生涯
那能無事事事畢
卻心閒欲試新沈水
常燒小博山
簾垂窗四面
榻下屋三間
差勝炎炎裏
車塵日往還

秋郊有感

數載重經此地過
荒林不復聽樵歌
滿山落日行人少
一路新墳戰骨多
彫敝那堪頻水旱
轉輸況未息兵戈
書生空灑西風淚
靜掩柴門可奈何

西山卽景

厯盡平原到石門
盤旋萬壘一峯尊
日臨大漠煙光淡
雪壓渾河水氣昏
野寺無名惟見佛
空山有路漸知村
老人爲說前朝事
翁仲敲斜舊墓存

水村卽景

睡去斜陽在露臺醒時明月滿湖隈清光忽向雲中沒涼
氣初從水上來小艇飛聲知笛近閒鷗結伴傍蘆回夜深
漁火臨流亂箬笠風前酒一杯

暑樓寓目

長林修竹晚蕭蕭徙倚欄杆縱目遙落日遠銜雙塔頂白
雲橫截半山腰人盤疊嶂開樵徑江鎖浮船作渡橋秋色
連天看不盡閒來收拾付詩瓢

會稽道上

高城煙鎖萬峯低遠接江東近海西禹穴衣冠秋草白宋
陵風雨夜烏嘯依然民俗存於越無數山村屬會稽來不
加多去不少九州到處客羈棲

九日登松臺山卽事

明倫彙編 家範典 卷三十一
三
斗樣城懸大海涯，憑欄雙眼接煙霞。人家已綠千頭橘，僧院纔黃數點花。水闊無聲潮北上，峯迴有影日西斜。旌旗獵獵防秋早，風起樓船鼓一槳。

過顯佑祠口占

柳曳長隄水漱沙，尋春春入梵王家。清江三日重來晚，落盡櫻桃兩樹花。

何林字雲壑宛平人，歷官兩淮鹽運使，有彌年集。

感舊

襄陽大隄水出自漢中，來上經麋子國，下達沔陽，隈合流爲江漢。晴川在其涯，大隄女兒全勝花。中間合杏萬人家，我年少壯曾來此。喪亂經過空歎嗟，復聞江漢紀南荒。昭邱弓劍徒埋藏，楚王宮內纖腰女。景屈公家多國良，只今

彌望東流水莫爲江魚厭武昌

歲晚漫作

索居五度雪來時一片羈愁祇獨知歲暮卻同人易老花
飛常與客俱遲長安曙景疑先到十載風光晦欲追零落
棲遲空被酒緩歌長短不勝悲

陳廷弼字荀少澤州人貢生歷官廣東糧驛道有王屋

山莊詩鈔

羚羊峽歌

羚羊之峽何巖從根盤厚地凌高穹不知誰奮巨靈手擘
成萬朵青芙蓉丹峯回合翠巖錯曖然日月懸洪濛中穿
一道東江水左旋右折開重重牂牁西下萬餘里濤風沫
雪馳游龍驚波乍抑急湍駛沙崩石觸聲颯颯擘舟入谷

若行盡陰深疑與焦源通山迴棹轉更幽絕置身恍在潛
蚪宮豁然長嘯空谷應音流哀壑生天風啾啾山鬼叫崖
館峽猿相答幽篁叢文魚騰躍老蛟起橫吹靈雨迷青楓
客行過此迴淒沮腰篙背竿行恹憊我將返楫問炎海浩
乎一赴歸墟中

寄懷六兄漢陽

長安共被一鐙涼忽漫行踪各渺茫書到方知留夏口冬
來猶未到鄖陽分攜南朔雲千里飄泊江湖淚幾行無限
離愁誰共語渚煙汀火隔瀟湘

魏荔彤字賡虞號念亭一字淡庵柏鄉人歷官江南常
鎮道有懷舫集

述懷

白月挂屋角，霜風落晚圃。索居愧無營，行吟玩歲暮。哀笛發清商，空堂寒欲雨。蕭蕭四壁來，秋聲在簷樹。彭殤理齊觀，百年總朝露。行樂及芳時，丹砂古貽誤。

題沈歸愚萬峯獨立圖

峯峯卓立斷躋攀，筇屐逍遙鳥道間。試問此翁登眺後，何人更上萬重山。

仇昌祚字振先號漪園，曲沃人。貢生。歷官廣東惠潮兵備道。

訪山居者

不識山陰路，沙明引到門。春來分菊友，雨過長篁孫。卜築人間遠，開樽古道存。紅塵殊擾擾，一爲憩桃源。

李鍾麟字玉書號筠巢，武定人。歷官江南廬鳳道副使。

有筠巢詩集

詩話筠巢文襄子以任子入官中歲告歸僑寓金陵有園林花木之勝

七月七日雨中種竹樹

洞庭秋雨來涼氣生枕席東城官舍中頗似野人宅鋤雲
藝竹樹一徑十餘尺樹帶君山青竹分湘水碧稍免抱甕
勞華滋借天澤人間瓜果會陳乞終何益巧宦吾未能空
齋卧良夕

漁村夕照

滿村秋水浸苔磯落日清江動竹扉一曲高歌漁父醉歸
來曬網趁斜暉

王煥字子千號盤麓又號紫詮寶坻人諸生歷官浙江
溫處道有憶雪樓詩

送朱竹垞還秀水

四載青門別南來慰夢思如何相見日即是送行時春樹
詩重詠旗亭酒莫持五湖煙月好終擬共心期

張雲翼字鵬扶一字又南咸甯籍洋縣人廕生襲一等

侯官至福建提督有式古堂集

志擢辭敷藻皆成鉅麗用情忠厚託意遙深頻陽李
切崩而子亦時往來牽杜之問就正所學
詩話又南為張襄壯勇長子其村居詩曰自我下
邊戎衣事辛苦祓封飛萬里孤懷濟君父一朝脫紫
塞京邑瞻譙櫓早囊達北關露布宣西土夙入朝觀龍
懷一夕日皇王嘉遜忠錫以通侯壁檢局陟太府祿
受二千石其二嘉遜忠錫以通侯壁檢局陟太府祿
其四日法冠臨棘署其五日備員侍講席自述蹟迹
慕詳迨襄壯病詔令歸省後遂提督八閩康熙辛未
入覲宛平京口兩相國李尚書天馥鄭侍郎重為之

序詩才典贈
卓然可傳

登華岳

職方紀豫鎮配位雄西秦我來問真源乃當白帝辰婆娑
入霧市五里排山闔仙坪響澗溜古木蟠輪困漸轉窮車
箱四合橫嶙峋高峯當面起峩峩凌秋旻飛瀑落銀河搖
曳垂天紳直須陟層巔立此萬仞身

懸磴穿幽峽石罅天光渺危峽復千尺鐵繡援雲表斷巖
駕飛梁翛然出窈窕丹樓度紫霄一覽渭川小振衣嵐翠
落躡足青霞繞峻岫愁行猿峭壁絕高鳥言登白雲峯憩
坐萬松杪洞口吹桃花深秋疑春曉

高崖懸日月鉤梯通別嶂峻嶺引蒼龍雲雨時飛颺誰攬
此蜿蜒直掛青霄上玉女接明星落黛寒相盪洗手洗頭

盆還扶九節杖載陟靈掌尖博臺屹相向叔卿駕白鹿漢
武先惆悵玉簡浮金液今古閱靈貺

落雁凌松檜呼吸自通天昔拜蓬萊下今踞芙蓉巔是時
秋方中爽氣何澄鮮明月升足底坐久素光圓玉露瀉杯
舉松濤叶管絃酒母騎茅狗爲我呼子先飲餘不遽卧東
看滄海煙金縷擁陽烏躍出羲和鞭

曉霞出玉井落翠浮星潭不須駕鐵舟淪迤自泓涵黃冠
汲之飲茗盃何清酣頓覺塵機息渾欲抽纓簪踏石捫蘿
薜于焉窮幽探蓮花秀峯色攢碧上蔚藍俯看黃河流雲
霧相吞含空濛識萬象浩氣鬱層嵐

寒崖吹古雪晴壑暄新霽須臾峽底雲蒸蒸復上袂俯聞
空谷雷飛雨灑蘿薜崖巍萬仞巔紅輪自明麗陰陽備四

時元化運五際乃知山中歷一日千歲計長年懷赤松未
許辭聖世出山揖三峯幽思尙凌厲

曉春南苑應制

別殿春晴淑氣歸曉鐘雙闕啟金屏彤雲送暝垂青瑣白
日凌寒轉翠微弱柳偏隨仙仗發疏梅久戀上林輝應知
聖澤深南畝更喜年芳入帝畿

嚴灘

漫整荷衣拜逸民灘聲猶自動星辰富春近日誰漁父天
子當年有故人名到先生纔是隱賢如光武不稱臣只因
曾作梅家壻外氏家風愛隱淪

馬三奇號乾庵漢軍旗人襲封一等侯官潮州總兵

送孫古隍歸里

折柳韓江曲悠然望去航山川歸宦囊風雨入詩囊尙有
梅花約甯忘荔子香鴛湖歸卧後書札幸相將

洪斌字簡民號方崖閩縣人官參將有鹿溪草

游補陀

候潮占月上發棹報風西地險春濤壯天陰海色低逍遙
空野馬踟躕笑醯雞此意同人共風流續虎溪

管榆字青村武進人厯官師宗知州有據梧詩集

詩話青村嘗幸江西餘干貴州普安諸邑詩自都官
入清迥森秀絕非凡響特以順康間名大家林立青
村交游又未廣故名字不甚顯集分六子曰歸思僅
見吹萬一集錄其詩入別裁書名曰掄正與選鍾廣
漢詩而顛倒其名曰映淵選周青士詩而名缺
下二筆爲有誤乃相同校書如掃落葉信然

匡廬歌

平明迎日上廬嶽春山滌翠清如濯攀蘿直上三萬級側

身蟠走如飛鶴雲粼粼花冥冥劃然巨靈劈千丈瀉出萬
派洪濤聲耳目蕩漾不能主恍若坐我於滄瀛滄瀛風雨
不可測中有一人不相識手持銀管跨紫鳳授以琳琅五
彩筆回頭笑指游空濛導余絳節雙玉童呼吸帝坐隨清
風俯視一一金芙蓉白雲如緜滿空谷乘此欲與天庭通
把酒酌煙霞素懷託明月明月與時滿煙霞無時歇拍肩
笑問洪先生口吹玉笛銀河傾山中木葉蕭蕭響下界疑
爲鸞鳳鳴擘牋授蕭史共飲白玉醴長觥傾倒慎莫辭醉
眠石上呼不起白猿蒼鳥莫相猜前五百年曾住此

章門送友

寒潮漠漠雨疏疏被酒江樓晚景初別館敲詩離緒遠秋
帆落處是匡廬

霜落寒江次第痕
天空黃葉滿江村
西風歸雁征人遠
夜送輕帆過白門

九月十三日饒州寓齋夜坐

切切哀蛩共寓齋
麗譙風順肅平街
捲簾始覺露華冷
滅燭方知月色佳
城曲風颿依樹落
潮通魚箔帶沙排
眼前一事堪詩料
榴火當秋尙滿階

辛未元夜訪北蘭澹公用宛陵和景彝閨臘省宿韻
雲淨空轡轉玉繩
禪扉夜叩墮簷冰
春江漁火看無數
明月青山到幾層
遠岸兒童喧小市
隔街荒廟鬪縑燈
江客舍逢元夕
踏凍城南訪老僧

冬夜寄懷錢亮工

江皋朔風起
天末落葉街
南積盈尺
此時客子正卧寒村

頭沾酒相邀歡持杯欲飲不遽飲翦燭西窗有餘影憶昔
五年來南州望遠日日登危樓雙峯翠角最清絕遠岫縮
髻湖光流江山亂後還姣好碑碣仆地青苔浮因思長卿
不可作祇有懷古城南頭白雲朝來暮還宿此間幽隱真
滄洲清音堂高下臨渚水聲颯颯鳴寒杵齋頭千尺琅玕
鳴樹杪十丈蛟蚪舞羈客興酣每快意詩成落筆走風雨
夜半江城聞雁聲寄書今夜山南浦

雨中過碧山堂留飲張允文寓齋

清齋向晚送新涼喜弄鞭絲到草堂壓雨戎葵紛落砌遮
雲宮柳欲過牆重懸簾幙濃如水旋設樽罍靜自香入夏
相過應不厭拂天喬木有干章

愛爾依山草閣虛南軒北牖晚涼初盡除屏障東平室閒

長蓬蒿仲蔚居絲雨溼花輕落地好風入幕暗翻書堂開
最有平泉思早退令人歎二疏

堂爲玉峯
相公別墅

舟行值雨

前山槎枒如轉磨後山偃蹇還伏卧須臾四山雲氣生雲
陰全仗天公作去聲蕭蕭入水紋漸多颯颯打篷聲愈大蜻
蜓舟中小於葉縮腳攣腰但跛坐陳言一編猶在手吟聲
欲與灘聲和冷煙積竈炊蕪菁兀兀枯篷忍昏餓流螢草
際知幾點唳鵲峽中剛一箇丈夫遭遇不可料好景良時
何闊過倒迴江水洗寒雲張帆笑指青天破

荒齋

荒齋十笏地獨踞萬峯首重簾留煙雲一榻在郊藪日長
尤勝年城小真似斗官舍接田家相熟到雞狗高枕看閒

雲結夏作禪友殷勤來青山窈窕當戶牖嵌空鋪翠鈿著
色雜粉黝崇朝倏然化慘澹繪妍醜雨晴風露間變斗隨
所有誰施屏幃工此眞白描手

山中多夜雨滴瀝鳴空庭曉來矯首看四山暈螺青愛我
萊甲長小摘餘芳馨蔬食快得飽陶然坐雲屏溪聲到枕
上颯颯松風聽大小兩龍窟足底千雷霆一瀉萬頃空快
哉如建瓴

牆東有隙地荆菅瓦礫積俯首荷耒鋤得此五弓闢南鄰
有麗春紛紛間朱白乞分五色種翦縷比紉帛初日照股
紅殘霞映浮碧閒時列酒茗坐卧兼枕席遂可忘窮年豈
止破蕭摵三更持燭游早起獨吟惜今年姑小試紛然滿
籬格來春擴西偏爛漫補牆缺回想今春花吟詩又陳迹

馬庸德字汝行桐城人官晉甯知州有石門山房集

得張平叔書

常從天外望歸鴻縹緲雲山路忽通殷浩答函無一字瀟
于致鵠只空籠豈嫌蘿薜長貧賤但恐風塵共始終莫向
少君問借隱白楊荒隴起悲風

宿棲雲閣

夙聞蒼山好今卧蒼山雲蒼山十九峯峯鬱氳氳客子
見山色山意如相親況向山中宿溼翠披紛紛薄暮日將
落霞起珊瑚殷二更挂海月清光望無垠夜深方假寐石
壁天雞聞扶桑倏倒影小閣浮金輪偶作名山游忽與下
界分願得十日住洗此千斛塵結念在邱壑企慕匪仙真
會當謝人事相從猿鶴羣

古意

所親在四方飄萍無定處非不數寄書游子渺難過歲晚
多疾風黃葉落枯樹望遠無人歸烏鵲故相誤

彭蠡字秋水號鈍叟溧陽人官雲南新興知州有放餘

吟

虔州

去年寒食五羊山今日春分章貢間儘有漁樵陪杖履不
勞車馬出江關經過村落先謀酒逢著鶯花便解顏聞說
浮春池館盡荒煙瘦石水潺湲

周朱耒字象益號潛叔秀水籍吳江人官雲南知州有

童初堂集

詩話潛叔爲竹垞外孫幼孤育於朱氏冒其姓補秀
水諸生客陳午亭相國家以工箋奏知名因薦子官

未至滇而卒詩
亦有外家風氣

聞鷓鴣

合江亭畔雨霏微石鼓山前水漸肥
蠻鳥自知行不得何因故故向南飛

萬言字貞一號管村鄞縣人副貢官五河知縣有管村集

詩話管村少以古文名從諸父在講社中梨洲亟稱之徵入明史館輯崇禎長編出宰五河忤大吏構罪狀僅乃得免詩非專門然自有魄力

初秋借陳康侯宋叔遠黃俞邵閻百詩夏宛來沈融谷蔣波臣胡次巖趙浮山集趙天羽園分得亥字

止酒連三月因公始舉杯詩嚴金谷罰客半聖湖來六典
菟方乘千秋話劫灰明鏡羅樹杪疑泛漢槎回

王汝驥字雲衢一字耘渠金壇人貢生官通江知縣有
牆東草堂集

詩話雲衢工制藝久困場屋而時重
其文沈歸愚謂其詩爲文名所掩

雞頭關

征馬鳴蕭蕭澗水流潺潺水鳴何嗚咽馬鳴多哀酸借問
客何之言上雞頭關關門開一綫羊腸裊青天上有千仞
壁下有百丈淵驚風吹落石洪流盪奔湍危途無返轡微
生寄征鞍靡靡遵木末遙遙造雲端故鄉杳何許天路安
可攀側聽隴頭吟感我涕洟瀾

邵錫榮字景桓號二峯仁和人貢生官安義知縣有二

峯集

宋牧仲曰二峯學有淵源又得湖山之助其詩豪邁
宕逸要能出其胸臆所欲言吐視世齷齪規撫唐宋者

之過

靈隱寺

靈鷲何年寺蓮花溼翠重泉飛一澗雨濤落萬株松妙法
禪中悟高僧月下逢石橋歸去路又聽隔林鐘

佟世思字儼若一字葭沚又字退庵漢軍旗人官思恩
知縣有興梅堂集

新柳行

烽煙漠漠昏芳甸千條新柳當春見遙憶高樓萬里人曉
來坐聽嬌鶯囀高樓南望已沾巾妾夢還傷塞北春去年
此日相思樹今日今年腸斷人別來不覺春光蚤春光滅
盡朱顏老妝臺明鏡倚春雲陌上雕鞍映青草可惜青青
掩畫樓狂夫何事覓封侯開簾怕見楊花落化作浮萍逐

水流

大庾嶺

萬折河山四望開
蕭蕭行李獨登臺
雨餘雲淨千峯出
日暮天高一雁來
炎塞不傳江上使
瘴煙遙散海南雷
夜深應有羅浮夢
嶺路仙人舊種梅

沙澗

翠微橫接暮煙生
人向疏林落照行
土壁繁花鳴絡緯
野田流水立鷓鴣
石根朱實垂垂見
馬首青山面面迎
何處更尋南下路
隔溪嘯鳥送歸程

王典字備五號慎齋錢塘人諸生官杞縣知縣有敬義

堂詩集

立秋

秋雖不自言舉世曉其至今當與秋期風日宜有異不可
拘往時引人以愁意聊看一葉飛我亦自能醉

無題

我意所不可誰能復向人困窮猶有膽感激豈無身愚欲
爭今古狂將怒鬼神何時上廣武獨立望秋旻

張袖雲字子錫磁州人貢生官始興知縣

江干野望

磯頭閒注目秋水碧盈盈龍卧寒潭寂虹飛斷岸明菱歌
驚鷺起塔影印波清何處芙蓉發幽香撲袖生

李文秀字奎瞻易州人貢生官如皋知縣有楚吳偶吟
除夕雉皋署齋對酒作

青陽布惠澤萬物咸昭蘇足信天地心未定榮與枯嗟子

辛劇邑三歲頗勤劬戴星急公程飲水志不渝雖無赫赫
功父老則已孚燕薊北鄙人賦性原拙愚幸得追罪戾寒
梅照冰壺冉冉星紀流茲歲又告除逋債苦煎迫家人相
嗟吁解顏慰童孺何用此區區枉道不可爲前賢有令模
不見迥寒盡春風吹衣裾

孫芝蔚字豹文號淡廬磁州人官姚安通判

散步

著屐攜筇踏淺沙西峯遙望鎖殘霞春傷舊日頻游地酒
問前宵半醉家溪上長吟悲往事林間無語如歸鴉年來
衣逐緇塵化欲結方袍禮釋迦

趙執端字好問號緩庵益都人官汶上教諭有寶菌堂

遺詩

讀仲韜東臯集漫題

束髮慕通達，咄嗟二十年。五穀不能分，安知衣食端。瓠葉與槐花，所遇良迍邐。舊業浸以荒，五畝成石田。賢哉北郭生，邱壑甘棲盤。戴笠狎風雨，負耒乘雲煙。犯曉腰鎌出，斜陽飲犢還。輟耕古原上，長吟秋樹前。新詩亦已清，歲功良足觀。顧我無所成，壯志徒頽然。願爲沮與溺，耦耕南畝間。

奉寄秋谷兄山居

聞說幽棲處，全家住翠微。偶同流水出，閒伴倦雲歸。旣喜清心跡，還堪遠是非。相從空夙約，心事歎多違。

陶孚尹字誕仙江陰人貢生官桐城教諭有欣然堂集
早春閒興

東風送雨過城闌，蠟屐尋芳踏鞦韆。橋畔杏花村店酒，水

邊紅袖畫樓人烏衣覓壘頻穿幙百舌爭枝巧弄春輸與少年行樂處銀鞍驄馬碧油輪

華山上沙里訪徐昭法先生隱居

華山幽絕處高士此巖居銅狄增新恨金陀感舊書三湘

吟思迴九畹墨痕疏先生工畫蘭墨蹟爲當代珍寶造訪空車騎孤標邈

不如湯潛庵中丞嘗訪先生山中深避不見

曹娥媚寓齋再餞賦別

南曹端愛我時都門十子俱以詩名娥媚於中稱南曹樽酒更相期宦況秋蟬

翼離情春繭絲星河雙闕迴鱗雁故鄉遲別去還多感河

梁日暮時

皖城大觀樓

高樓直上斗牛邊形勝猶思創建年檻外雲山三楚近樽

前煙樹九江連遙岑採藥尋丹竈幕府題詩索彩箋登眺
恰當清晏日羽衣吹笛夕陽天

輓冒巢民先生

太息斯人竟蓋棺廣陵愁絕更誰彈樓成白玉修文易牀
盡黃金任俠難先生饒於資以結客故
晚歲貧其資志以歿水繪園亭煙雨沒
鹿門妻子杖藜單雉皋風景重回首落日寒冰想像看

游龍眠山

鼓勇竟一上直造碾玉峽朵朵青芙蓉突兀勢如削竹柏
相掩映松颯迎人狎漸聞琴筑聲谷簾走飛瀑野泉百道
流寶網同散落再涉黃蘗嶺青冥互千尺東踰石門冲眼
界極寥廓衆山悉朝會元氣此迴薄蜿蜒眠蛟龍佳名匪
意作且止勞徒旅從容恣予樂

馬源字伯逢桐城人貢生官鳳陽教諭有菱塘詩鈔

詩話伯逢少孤奉母母歿時年六十矣
廬墓號泣哀感行路詩恬淡如其爲人

歸興

詹尹無勞爲卜居頭銜我自新除某州或可推中正麴
部兼應領尙書春雨一犁耕代祿秋山雙屨步當車朋游
儻獲驚人句更覺封侯快不如

王建衡字起莘威縣人貢生官昌黎教諭有任庵詩集
赴泐不果

捆載詩書上小舟今春準擬作東游帆開汶水移花岸路
入梁山問酒樓到日定知幽興滿新篇還與故人酬無端
荒歉因循甚潦倒行裝又過秋

寄宋柱石

三年涉上悲秋客別後詩情近若何
花岸不辭行處遠柳風偏愛醉來多
也應高唱隨鴛鴦未許長吟到薜蘿
聖代卽今需獻納好將詞賦奏鸞坡

曹耀珩字鳴佩號暢庵益陽人拔貢官甯遠教諭有聽
濤園集

放舟夜歸

霞散澄江綺風微浪不生
前山銜落照遠水浸孤城
客意偏宜晚漁舟信是輕
誰家茅屋近隱隱讀書聲

舒芝生字瑤草孝感人副貢官麻陽教諭有十洲偶集
同王小資尋秋靈谷

一杖經行處雲峯盡日閒
小橋傍竹塢敲石亂松關
月色偏宜水秋光常在山
黃花新釀熟相共白衣還

張橋恆字子久磁州人貢生官延津教諭有積力齋百

詠

和檀度寺僧元韻

臨淮名勝地偶此駐行驂帆影沿江市鐘聲近水庵紅塵
銷短鬢白業淨秋潭喧寂雖殊况清言許共探

劉獻字子賢號八夫磁州人貢生官泌陽訓導

文殊臺觀瀑布

五老峯巔匹練裁飛騰百丈自天來波翻潭底千岩動影
落松頭萬仞開異彩挾風同掣電潮音噴雪似轟雷歸時

欲做大癡筆圖向蕭齋作澗澗

陸進字蓋思仁和人貢生官温州訓導有巢青閣集

同孫字台毛稚黃林玉達吳山晚眺懷三仲昭秦中

憑眺吳山第一峯故人相對倚孤筇寒雲漠漠連荒戍落
照遲遲挂碧松秋葉半林歸鳥雀暮潮千疊隱蛟龍登樓
何處哀王粲極目秦關路幾重

送惠印可之燕

欲遂馳驅志先從薊北游馬躡經大野劍氣動高秋河嶽
浮雲淡關山落日愁建安才自美王粲漫依劉

李天任字子將號一峯新化人貢生官辰谿訓導有弗

過居近橐

詩話子將工詩畫善鼓琴辰谿自免歸築弗過居環
廬植梅竹數百本屈曲爲几榻坐卧其上彈琴賦詩
年九十餘始卒

晚晴

驟雨浩然去空山晚作晴斜光平野溼返照半溪明鷺度

無雲嶺煙生欲暮城此中饒究竟天意豈逢迎

舟別邵陵

奔競有何益輕舟別邵陵春驚兩岸老夢入五更清雨過
天如浴潮平石不鳴孰云垂釣叟徒是羨魚情

賞晴

不因連宵雨安知好在晴山雲歸遠岫海日上孤城烏弄
松多色花飛地有聲溪前垂釣者一棹盪空明

萬崇義字宜也太和人貢生官勸我訓導

冬日月滿樓晚眺

逸興凌霜氣凭虛屬望低樹凋村屋出沙白渡橋迷暝色
來金島寒聲落玉溪丹梯雖可陟暮景慎攀躋

鍾元鉉字士雅安遠人官安仁訓導有石湖草堂詩集

青玉軒植梧偶活志喜

半尺梧桐當春徙櫻裏細荻封泥滓不憚遠來乖土宜孤
幹橫肩八十里蕪根一月未見生心焉驚疑怪已矣瞥然
一見二寸芽參差嫩綠風吹起根氣欲充枝欲長亭亭獨
立無所倚穠豔灼灼移人情所以看花羨桃李我性冷淡
宜耽幽偏于梧桐有獨喜結子不與凡木同點綴葉次珠
累累豈在一葉識秋心直幹疏枝無委靡

楊自牧字謙六號預齋昌平人官華亭縣丞有潛籟軒

藁

鄧孝威曰謙六詩英剗無
凡近語得邊塞之氣居多

暮秋游峒峒崖

萬壑隱孤秀峯頭羽士家懸流疑贖雨落葉亂殘霞閣峻

秋陰伏山空暮景斜何人自西嶽移種石蓮花

晚坐空山寂樓危怯獨依青林寒佛火白月淨巖扉細把

藤花酒重添薜荔衣三更扶杖去高詠謝元暉

途中重九

馬上過重陽征途景易傷野雲千里白秋草一川黃作賦

悲游子登高望故鄉遙知三徑菊空自抱幽芳

秋夜思家

故園歸計惜蹉跎殘暑初消白露過清角孤城知夜寂寒

蛩四壁覺秋多愁中短夢悲難就客裏流光奈促何卧起

張鐙還獨坐空將九辨數吟哦

張之澄字淮南韓城人官麗水縣丞有後森園詩

蒼松吟爲縉雲學博家邇可大兄作

蔓草不獨立蒼松無倚附挺生山之陰蟠結堅以固亭亭
拂層雲湛湛浥零露孤勁耐霜寒淒清越朝暮蔭可大千
尺材真廟廊具上邀鶴鶴集下委鹿豕聚偃仰風塵中百
年託貞素非不甘棟梁良師鮮所遇勿以老煙霞無如識
者顧但恐摧作薪竟爲採伐誤

卓爾堪字子立一字子任漢軍旗人有近青堂詩集

沈歸愚曰子任系靖難忠臣諱敬之後代傳清白壯
歲南征闕逆爲右軍前鋒又嘗輯勝國逸民詩成集
文武並嫻遠
近爭高其行

甯羌將軍行贈高枝升

將軍淮南人虎竹分西秦西秦一路通巴蜀棧口孤城山
四鄰五丁鑿開渾沌氣一夫當關萬夫畏巖疆八載靖烽
煙驚防何煩教擊刺春深幕府日投壺草白城南出輕騎

將軍行樂秋打圍超山紫燕疾于飛彎弓射殺兩騰虎父
老轅門拜繡旗割鮮饗土呼行酒并州健兒請擊缶歌罷
筵前起舞刀紛紛雪花應兩手停歌止舞月照營後幃秦
女彈銀箏弦繁柱促聲淒清無端彈出關山調颯颯俱作
斷腸聲斷腸聲客心驚我有高堂白髮生富貴視如鴻毛
輕將軍長揖軍吏哭萬里歸家駕黃犢環門柳樹未盡禿
宅傍新築梅花屋梅花江南開不遲雪中釀酒雙介眉梅
花吹落斑衣上還憶軍中聞笛時

王喬墓

何年封馬鬣衰草野煙寒杳渺雙鳧舄荒唐一玉棺仙人
甯有死塵世漫同觀不信徵毛女冲霄長羽翰

紅山觀獵

古道停鞭看打圍，征袍乍暖炙斜暉。
鸞弧紫燕追風去，攫兔蒼鷹貼草飛。
野地割鮮爭飲血，村墟沽酒更烹肥。
各誇身手多輕捷，誰向南山射虎歸。

同余鴻客周雪客朱林修蔡芝泉鉉升過龔牛千半畝園看花有感

綠樹鶯啼半畝園，城中廬舍類荒村。
一闌花氣還熏客，無處山光不到門。
酒力尙堪消白晝，笛聲切莫傍黃昏。
西州曾墜羊曇淚，虎踞關前更斷魂。

源口

旌旗源口出，萬馬度沙頭。
山月開昏路，烽煙警素秋。
前林圍已破，斷壑血能流。
何日銷征伐，春原看牧牛。

孔毓埏字宏輿曲阜人龔五經博士有遠秀堂集

餞春

綠慘紅愁不自持，恩恩又是送春時。
韶光老去鶯無語，別緒添來鬢有絲。
榆莢雨殘人事改，楝花風盡鳥聲移。
歸期定在三冬後，日望寒梅幾樹枝。

曾衍櫛字喬麓嘉祥人襲五經博士有近聖居集

贈答王定侯陳振常

握手窗前問索居，故人相憶意何如。
春園昨夜櫻桃熟，蓬戶今朝徑草除。
渺渺雲山當檻出，紛紛車馬過門疏。
佳篇壁上重吟誦，臭味深投一起予。

仲承述字鱗舟濟甯人襲五經博士有陪尾山人集

晚游沙洲寺

古寺蕭然近翠微，尋幽日暮叩禪扉。
閒雲似欲分僧坐，夕

露無端蘸客衣四壁琉璃融慧性一函貝葉發清機適從
會得空中意悔逐紅塵事事非

孟貞仁鄒縣人襲五經博士

幸魯恭紀

靄靄鸞旂賁魯疆杏壇冬日轉曦陽唐槐陰下千官列漢
柏林邊六馭翔考擊鐘鏞陳古樂昭同雲漢發天章羹膾
後聖親先聖一體君師道脈長

東野沛然曲阜人官五經博士

詩話東野氏爲元聖裔初但置奉祀生景陵幸魯
沛然具疏籲恩召對行在命給視田葺廟宇並授五
經博士東野氏有
博士自沛然始

幸魯恭紀

翠竹東巡過岱宗迴鑾特幸伯禽封金絲再奏新韶漢詩

禮重開古辟靡齒及元公隆典禮恩加下土慶遭逢君師
一德千秋合載筆廣颺愧莫從

傅仲辰字蒼野一字心孺浙江山陰人有心孺詩鈔

詩話心孺嘗官山左集中在山觀海紫蒲諸子目皆
在山左時詩官蓋簿尉之屬詩中未實言章大來對
山序亦但謂官如長江主簿茫茫人海陸沈不怨輜
軒續錄補採其詩稱為山陰諸生其時已不可考矣
晏起

晴光側側覆重池牢落天涯起獨遲家在夢中無別日愁
添鬢裏幾歸時藥爐香遠誰攜酒柳巷春深自詠詩辜負
吾廬三徑好落花人靜雨絲絲時都下
憂旱

晚晴簪詩匯卷五十終

晚晴移詩匯卷五十一目錄

吳銘道 二十五首

周龍藻 十九首

吳雯炯 六首

吳焯 五首

華崑 十二首

孫琮 十三首

杜乘 六首

羅牧 三首

劉瞻榕 三首

蔣平階 二首

范纘 四首

許尙質 三首

邊維祺 三首

沈湛 一首

倪蛻 三首

馬鳳翥 七首

馬景 一首

馬霽 二首

馬庶 二首

晚晴移詩匯卷五十一

徐世昌

吳銘道字復古貴池人有復古詩集

潘稼堂曰復古亦余慎海詩山川形勝摹寫如繪才識志趣卓犖不羣毅然以古爲師絕去近代卑靡纖巧之習可謂能自樹立者也

詩話復古爲樓山之孫布衣終老游迹半天下滇海集最多最勝幽奇矯變多稱其山水布帆集憑弔故都感懷遺舊豪宅激楚多可傳之作嘉禾汪方岳峻贈向云吟到南朝事哀音不忍聽又云攢眉心自苦啼髮志原高願足見其生平

雁峯山上酒送子去江東彭禹峯先生朱陵送別家

君子詩也直上五丈以其韻見贈奉答

往事眞如夢心傷大小東青煙埋戰馬冷土蝕遺弓複壁
猶藏趙冰天莫薦洪年年明月裏烏子咽吳宮

影 即日 卷之五 十一
罵坐非因酒無須怨魏其何來甫也賤獨就挺之兒別憶
朱陵後人今白髮垂通家重先世泣涕雁峯詩

寄兄弟

督亢陂前秋復春埋荒落日憫勞薪州存十六興亡蹟路
絕三千南北津急難弟兄鐙火共傷神妻子涕痕新觸懷
夜雨歸何自莫澹京華一簞塵

故山老圃近如何行菜分瓜夢屢過烏相攢紅雲腳補稻
孫抽綠水痕拖趨庭遙慰承歡好作客難禁寫恨多無復
市中屠狗輩容誰筑倚漸離歌

榮澤渡河

廣武山前日欲暮浩浩黃流絕天注踐土沙埋積血腥戰
場弔古盤荒戍陰火青燐夜近人飢寫竄鼠嗥當路浪打

孤城移上山礪礪已解成皋固鏡前殘壘漢與楚百戰重
瞳此中誤

劉景升墓

東朝黨錮竟流離俊及名高亦可思莫向呼鷹臺上望人
問何限景升兒

關索嶺

關嶺插雲星躔微噓呀斗絕排天扉鷓鴣含愁蛇倒退猿
猴失勢鴉難飛千盤萬疊寒煙霧毛寒骨悚臨危鞞羅鬼
花苗鐵脛挺披蓑頂笠如突豨山腰大竹立萬戟飛泉殿
礎寒侵衣云昔武鄉闢荒服綸巾羽扇窮鉤鏃是時將種
了英發闢刀大馬從指揮擒縱功成百蠻泣稽顙羅拜賓
天威至今嶺上勤伏臘犒舞盤姍鹿豕肥銅鼓隆隆震哀

壑香煙鬱若含溼激往事如塵風樹吼荒哉誰與論是非
巉巖祠宇表天末西南萬里罔敢違雖無其人亦不朽用
懾殊種防突圍雄爽奕奕懷若睹乃公是子古所希壁壘
巍峩山鬼嘯天陰日黯瞻靈旂

至滇池

六詔關河萬里程漢家池水古昆明段興花繞金稜澗莊
躋山開玉女城枸醬蠻王經百戰海鐘漁父話三生月前
雨後東西寺出水孤光一道橫

絕憐生望玉門關閉斷羈臣老未還雞馬祭遙供鬼食西
南檄到破神姦山堆秋爽鴉頭髻水作江澄雉子斑細說
披猖叩竿事破兵久不事黃間

游安甯溫泉

野性頗愛山逢山便欲住那知此山中幽勝復無數桃花
豔春津鱗鱗踏前路沈綠注芳池悠揚滋暝露本非無垢
人幸可洗塵霧石壁奔雲泉聆風儼韶濩亭花映人肉狂
吟欲仙去靈竅覆千鐘貪看忘故步穠纖半簾日流光不
肯駐世俗未能遺沈吟返三顧

天橋

點蒼之衝洱海洩處有石梁
曰天橋望之股慄人不敢過

天工如巧匠洞山斲山骨要使海可穿漏此月中窟勢若
猿臂伸矯甚龍角突安知鴻濛前一一斧斤伐山靈偶出
音引流透一髮下視誰當捫震掉鬱咆勃

渡蘭津

博南開道行人悲怒流崩激驕馮夷兩崖萬仞掩天扇中
流一綫穿坤維鐵錫天浮作飛渡飄飄懸檻搖風威青猿

接臂擲巖石孔雀將雛飲江湄黃茅瘴壓纖霧冷玉條煙
合蒼林迷丞相祠堂峙絕壁風濤磨蕩相蔽虧蠻王斂手
受約束官渠帥羈縻之銅柱遙連孟優墓金齒未塌呂
凱碑茲橋奇隘世未有挾而超者人其誰天爲邊陲作門
戶留此罅處神所司縹緲空騰數百步目眩那敢低頭窺
發源西極崑崙足破山直注南海涯瀾滄萬古急於箭華
陽黑水聯三危

點蒼山

點蒼蒼峯十九點截破青天透天表雄踞稱尊九州外眼
底猶窺西海小空中仙人作玉戲水官騎龍銀色皎豈無
雲篆守蛟螭望絕瓊樓架縹緲意態譎詭無一同萬幅丹
青寫奇巧上有天河向下垂常見雲中騰怒爪闌插葉榆

數百里鱗甲如生誇珥抱點蒼之神夢謂我子來看山何
草草茲山幾閱世變更獨據西南轄蠻獠漢家中郎漫持
檄破碎滇雲竊文藻遂令名字露中朝金馬碧雞來祀禱
蜀中丞相亦多事要市天威奮天討南人自此不用戰荒
彝那復知天寶鮮于李宓妄用兵二十萬人如電掃尙說
豐碑紀鄭回豈有殘詩尋賈島從茲棘道生荆棘玉斧畫
疆別城堡蒙段居然遞自尊六詔煙蘿難記考往往人來
弔踪跡山自青蒼人易老只餘古雪照天邊冷魄何堪爭
竊窀誰從五嶽問眞形坐使遐荒狎猿鳥我方讕語笑山
靈世事無端分白阜中原戰場百千萬蓬蒿滿地迷昏曉
魄礪人間澆不盡雲夢胸中吞未了何如醉卧醒酒石槽
騰不用滋紛擾

洱海

罷父之山洱水源首尾峽束中淵渾劃地橫開大理國挾
風釀雪天陰昏波光渺渺破古鏡寒濤日齧蒼山根特留
隙地闢城郭一覽已盡百里寬四洲三島在何所稍見數
點青鵝翻長路漫漫繞海角孤煙一抹銷人魂朝看帆來
暮帆去風如潮信無移痕五湖欲往計未果思與水仙相
對論

大慈寺飯

潛流略約塞枯查一徑寒空遠更斜樹底泉聲松子路煙
中人語梵王家因過竹院思留偈未到鐘時呼煮茶細雨
霏微山下去萬針衣冑刺桐花

四月十五夜見點蒼山雲綿互如練與月色相麗數

十里不斷光景奇絕

好山旣殊絕復此山月升月高已到地舉頭見峻嶒白雲
展素練如雪還如繒其氣欲礙月究竟力不勝謂山得靜
體清淨無摧崩謂雲了無物生滅時相仍可滅自不滅靜
者動所憑相忘更相待壁月懸宵鐙夜定萬竅寂所見得
未曾欲發廣長舌妙理吾何能

淨慈寺

先大父棲山公有淨慈寺詩一首是前癸未
寓湖上作入寺低徊猶可默憶迺追步原韻

存之
湖上焉

寺門見南山入寺復了了愛此塵外棲可息塵中擾煙雲
護鐘磬何以答窈窕幽谷泉味殊接筒香積繞落葉不到
地風吹過林杪前峯卧夕陽西望若初曉茲境故清絕人
猶存見少蒼巖踈高處倚檻放遠眺湖光近拍檐霜冷尙

瀾渺低徊不能去吾將逃物表

游峴山

前年渡漢水已墮峴山淚今年登岵臺獨倚窪樽醉復此
吳興游忽動楚澤思自從有此山游飲誰不至遐哉賢達
流望古僅一二抱此山水衷慷慨發長喟嗜好既殊俗悲
傷匪無意遙遙千載人唾地到吾輩嶺雲頗欲雪野梅疏
更細涿水碧搖天磐陀小可憩當爲十日謀有酒身無事

潘稼堂先生見留草堂

耆舊已遼落牀前拜德公人餘柱下史身是魯靈宮杞宋
文何在齊梁運易終吾猶及型典信見剖鴻濛
蠟屐無論兩杖頭甯計錢游經岳有五筆斷載逾千細數
東林事潛傷南渡年尋常言笑處忍淚不教傳

二十八年別公高在急流吾翁占損益晚歲倦遨遊復此
故人子來同今雨秋松風溪上宅話舊且淹留

贈復官

勿齋徐宮詹曾係其祖爲昭法先生於稼堂
太史家相見感慨泣涕而有此詩復官其小

字

繞樹棲難穩驚巢甫脫身可憐三戶楚都作兩朝人賣卜
門生在遷居孟母鄰要離今日冢欲往辦香陳

太湖舟中望洞庭諸山

今朝震澤行動盪玻璃色四萬八千頃浮天杳無極東西
洞庭山縹窈如潑墨與我相周旋招之不可卽角里那復
返毛公久滅迹可憐水犀甲石薊化深碧更聞此山中幽
人無歲歷老死不出山何由識兵革回頭笑句踐藉手婦
人力一朝良弓藏解使大夫惑去去不足道此水可亡國

登北固山

北固江山圍鐵甕波濤浩浩兼天送金焦門戶兩浮杯閱
世如流真一夢很石之名亦已矣紫髯桑蓋談微中北人
乘馬南人舟祇說風帆絕飛鞚一朝鼓角地底鳴舟似老
牛鞭不動岸上奔呼殺聲惡棄仗連營噴腿重煙中尙見
梅花嶺血色模糊指蝟螻雄鎮原無韓岳功廷諍誰來陵
黯黯徒然猛黠非長城豈能別駕借雛鳳江山相對各悲
愴風景淒其失豪縱海潮歲歲齧山根木柿竹頭填石縫
東來流涕竟何人飲竭黃壚嫌未痛卧龍已去獬兒亡縱
有狂謀知不用浪淘日落無餘觀空教事往留深慟

東花園感舊

菜圃初生野菜花東家門徑誤西家棲殘老樹曬鴉苦知

是新鴉是舊鴉

周龍藻字漢荀號恆軒吳江人貢生有恆軒詩集

潘稼堂曰漢荀為忠毅公曾孫高才實學目前無兩
 夙長於詩才力豪健風骨蒼老讀其樂府百篇及詠
 史感懷數十首識高意遠藏深蓄厚所欲言者積
 多不能自制吐而為詩故能閎中肆外如此也
 詩話漢荀為諸生時受湯潛庵宋漫堂兩公之知稼
 堂延課其子盡讀稼堂之書其詩根抵深厚才雄而
 氣道稼堂極賞之酬贈長句有云君才堂堂萬目當
 聽兼愁史書無定本家鈔野纂人人殊塗澤魚目當
 珠體及時撰此真良圖此野纂吾家有根柢續成雅志
 不敢虛蓬山奮筆豈無意其奈時命相齟齬家居無
 書亦無友欲共此筆力可扛鼎留心典故班如願
 如人老益驚君之筆力可扛鼎留心典故班如願
 共討論史義例貴挈綱領刪蕪蓋稼堂去官後猶
 有志修正史稟欲引漢荀為助也歸思惟見其樂
 三卷全集猶未出故別裁集僅取三首遺珠多矣
 大牆上蒿行

牆上蒿自誇託根高根高若不固萎落隨風飄牆上蒿自

喜擢秀早秀早苦不長離披抱霜槁蒿生蒿死曾足計但
恨踞盤難得地明堂選柱少成材等閒齊把蕭繁棄伏波
慕良臣肯逐井蛙住亞父好奇策終被重瞳誤丈夫未遇
魚水知且辨隆中高卧處眼前富貴輕秋毫搏扶豈必假
羽毛紛紛依傍何其勞君不見牆上蒿

後怨歌行

藕絲斷不再連銅鏡破不再圓卽看金屋人如舊昨日恩
情今日捐情多情少安足計只道色衰恩始替驚心最是
落花風偏在温存旖旎中妾恨不爲珠娘樓窈娘并骨碎
君前猶耿耿求凰曲化白頭吟撥盡紅鑪灰已冷當初離
鄉來滿望登玉階玉階非不登轉瞬沈草萊乃知苦樂眞
相倚纔隔衾裯同萬里升沈反覆變須臾縱有容華難久

侍

經東湖公戰地

昔年曾此結連營萬疊湖波怒未平螳臂自難當轍奮鵠
魂應向繞枝鳴楚人浪說憐三戶夏肄傳聞少一成今日
經過重太息西臺餘淚倍縱橫

睢陽湯公輓詞

初喜明良合旋傷道命孤世應摧直道天亦喪醇儒正色
居朝著昌言備廟謨常羞持祿位未擬保身軀仗馬方箝
結成烏自畢逋羣嘖楊震慙翻笑馬光迂白日高難照青
蠅點欲污尸猶思指佞瞑豈爲憐吳定論中朝在遺哀南
國殊銜思徧倪耄會哭盡生徒峴首碑宜勒桐鄉祀不誣
瓣香曾願託北望淚蘇蘇

讀漢史

供帳都門羨二疏，賜歸猶得老田廬。
他年蕭傅催和藥，一著先機恨不如。

和柳塘先生燕詩奉寄京師

秋社年來事總非，自將弱羽託烏衣。
看他華屋羞輕入，留得孤巢擬獨歸。
鷹隼猜深應遠害，炎涼歷盡早知幾。
當風莫笑身無力，未肯銜泥附熱飛。

歸太僕墓

震川有遺冢，零落鹿城隅。
一望荒原迴數行，老樹枯籬香文字。
在孟麥子孫孤，無限沈吟意。
殘碑孰遣扶。

賜租行

康熙二十三年冬，翠華拂天來。
江東時巡鉅典廢已久，郡

國始識虞周風聖明御宇憂赤子疾苦歷歷徹九重豈惟
頓遞罷騷繹耕斂在目常忡忡三吳一隅傍湖海水潦間
歲驚堯降塗泥厥土賦下上其後百倍於域中哀此澤國
凋疲地征求旁午煩大農上供強半竭腦髓督責返謂財
賦充是時持節有湯父入告實與皇心同度支經費關軍
國不得驟免租調庸丁卯建丑月初吉恩綸浩蕩頒紫宮
科徭曩曩許現放白骨起肉流膏洪歡聲如雷喜氣徧吾
皇猶欲哀其窮常聞五載乃一狩盛世盛事忽雨逢鑿輿
初入淮南境蒨屋早已迴宸聰非常之澤古難再至今獨
歎吳民蒙舊連新欠悉湔洗覆冒直比天穹崇尙憾湯父
死未覩喜極下淚雙眼紅賤臣手捧黃紙詔有口願祝齊
華封矢詩豈敢備國雅謳歌田野隨兒童

逐鸚鵡詩

丹穴有靈鳳生爲百禽王苞采備五色和鳴應時康豈期
鸚鵡子潛身來南方雖具明慧性其才本非良逢迎恃巧
舌百變如笙簧一朝惑鳳聽翦拂置高岡旣竊竹實食又
傍梧枝翔遂使燕雀輩聞聲互游揚公然鷓鷯前爪嘴誇
擅場肯顧不密危形勢日鷗張秋天下鵬鷲搏擊乘嚴霜
力逐鸚鵡去爲鳳立紀綱從此羽翼戢下上安厥常宋都
鷓早退魯門烏盡藏廓然六合清梟鸞各分行來儀指虞
廷萬古頌德昌

孤鶴篇

孤鶴海上來其鳴聞九皋丹山佐威鳳逸翮何翛翛規翔
而矩步獨立長松梢豈期眾鳥羣側目多呶呶警露羨清

冥凌風妒霜毛既忍惠養重兼恐恩寵牢魚梁有鷓鴣厥
性最貪饕生憎鶴皎潔讒謗聲騰鷺鴟搏腐鼠大嚼自
謂豪一朝防鶴奪腹劍從傍操亦有鴉雀輩日爭枝上巢
妄擬鶴爲敵不憚引類撓禿鶴復覬覦垂涎乘軒朝百計
求逐鶴私盟鳩媒要鑠金積毀入坐使黑白淆身落籬籠
中失意逢漂搖非無秋天鶴急難昔咆哮視此忍不救雌
伏甘蒙嘲吾欲命杜宇爲鶴陳賢勞苦辭行不得羅網張
方高吾欲命杜宇爲鶴訴鬱陶但勸不如歸息影窠林坳
可憐孤鶴孤百事憑煎熬長頸不得伸憂思徒怛怛鳳穴
萬里遠舉吭將誰號

楞伽山詩

先王定秩祀赫赫祭義懸豈容淫昏鬼得以非族千世衰

道始喪恢詭滋神姦咄哉楞伽山蒙詬數百年罔巒非不
美有孽憑於巔其事俚且誕意出妖巫傳公然飾屋宇金
碧窮芳妍木偶雜男女佩玉而紆鬟部卒侍兩旁肖像青
紅填遂令無知輩瞽聾自欺謾石湖水清駛什五排畫船
牲牢必脩潔簫鼓仍喧闐雖值風雨夕奔走懼少延婦人
尤噂喑語惡不忍宣心邪乘隙入夢寐生狂顛動云神所
致禱賽宜加虔妖巫旣得志吹聲益狺狺鼓舞數邑民真
如蠅慕羶每當婚禮成先期陳几筵鄉村真可笑立廟溪
谷邊高廣僅盈尺尊奉同帝天屈指百里中日費千金錢
豈惟膏脂竭風俗因之遷陰霾蔽白日沈痼無由痊自昔
守土吏往往多名賢逡巡憚摘發半爲禍福牽湯公中州
起絕學今伊川仗節撫吳下變俗以身先痛茲淫祀熾能

使民德愆上章羅罪狀正氣回兩間一朝綸綍降盡取投
深淵震雷忽破蟄荒穢快洗滌山靈亦生色草木增蔥芊
政成甫期月璽書徵何遑一老天不遺騎箕歸星躔我聞
公去後羣小復煽言望祭伺昏夜稍稍酒食駢死灰偶不
戒虐焰恐再然我願獻此詩片石山頭鐫庶幾百怪息公
德永不刊

金陵書事用犁眉公錢塘懷古韻

自昔龍蟠地前朝此建都上游浮七澤沃壤接三吳晉宋
羞殘局岐豐叶壯圖北巡基並鞏南顧勢非孤鼠賊凌關
輔妖氛徧海隅堯城先示變高寢漸憂蕪當璧違公論迎
鑿壓武夫新亭剛對泣狎客已羣呼刷恥誰嘗膽銜忠欲
賜鏤處堂偷宴息懷鳩作歡娛馬指移魁柄蠅營占奧區

通侯競瓜步宰相樂秦湖故劍傾椒掖良家進錦襦春鎧
翻樂府花月擁醜璫一載朝廷小千秋涕淚濡舉烽空擾
攘借筋漫含胡但倚江波湧甯知王氣殊中興旋失鹿未
造遂瞻烏偶爾尋雙闕淒然感九衢禍因門戶兆隙與禁
庭俱鄭袖房帷寵梁王國土腴本防煎釜豆終見委囊珠
鐘阜風塵改行宮歲月逾葛公原盡瘁漢祚適多虞莫抱
蘭成恨休談元首迂

曹元首有六代興亡論

燕磯迴棹處沽酒鱸江

謁明祖孝陵

鬱鬱復蒼蒼園陵氣渺茫城迴江獨湧雲散殿空涼撥亂
功初震開基德倍昌斷蛇無劍化鑄鼎有弓藏隧道懸鐘
鼓明樓帶阜岡烏朝分早暮芝產辨陰陽象設規模壯祠

官禮數詳豈期休運厄忽使寇氛攘率土成猿鶴彌天縱
虎狼燕京旋改王滄海遂栽桑門欲罌恩壞庭誰警欬揚
中璫頭總白遺戶業俱荒亭破拋宮瓦碑殘壓御牆樵餘
松栢禿燒後黍禾長尙喜龍回馭重聞騎捧香烝嘗修異
世胄蠱動今皇登拜儀嚴肅宣傳語煒煌共驚唐六典猶
重漢三章故國游仍到新亭感可忘衣冠原廟盡風雨茂
陵狂抔土何須惜家居苦自亡畫難追賈鄧史忍讀宣光
乍對銅駝泣還憑石馬傷蔣山形勝在落日半昏黃

有感示門人潘文虎

半世辛勤付汗青那堪劫火早沈冥生悲天水遺民錄死
恨元家野史亭直筆至今徵琬琰成書自古在家庭與君
午夜重論及隱隱虹光下六丁

再登燕子磯

楚尾吳頭萬象開，重扶短策立崔嵬。
江聲忽定潮將落水，氣如浮雨欲來起。
伏崗巒方湧浪，縱橫洲渚祇流杯。
囊中可有驚人作，喚起魚龍舞一回。

王文成廬山磨崖碑歌

彭蠡日夜聞濤聲，廬山一柱中霄擎。
昔賢磨崖紀功處，輝赫常觀風雲生。
威武巡游政本亂，如木欲朽百蠹萌。
逆藩桀黠伺神器，潛溝肘腋資逢迎。
無端衛卒革旋復，公卿坐視不敢爭。
叛書倉卒聞闕下，廟謨束手愁用兵。
陽明一老據贛右，鈞鉅每信機先精。
平生講學能善用，遇事權略真縱橫。
漁舟得脫神所護，誓集義旅吞鯢鯨。
搗巢謀定乘間入，狐鼠晝出城圯傾。
牽率還救膽已破，蟲臂浪擬當車撐。

太守燎鬚屹不動，旄攢颯湊轟天。驚樵舍一戰，元惡縛東
南。反氣從茲清，軍回直凌絕。頂立宴勞將士，親題名字體。
怪偉大於斗，長與山骨同。峭嶸榮陽太史，遠游返篋藏。拓
本浮光晶，朝來出示心。目悚遺烈，猶歎流宗。祜何哉，媒蝸
肆眾口，學術勳業紛。譏評試思勤，王檄初發中外。疑忌蝸
蟻鳴，安危呼吸待一決。非公智勇，何由平自古。成功居不
易，異論甯足闕。重輕好留讀書臺，畔磊落一片石。洗盡史
家誣，謗大義千秋明。

讀顧亭林先生遺書一百韻

經術治之本，與世共隆替。故明中葉餘，詞林少根柢。區區
雕蟲流，敦槃奉渠帥。得華而喪實，有作徒瑣碎。卮言互剽
裂，繁文紛組織。持以備世用，千百無一二。若非醇儒生，何

由豁氛噎我我亭林公猶幸靈光歸幼負穎異姿萬卷一
覽識孳孳老不倦精力窮六藝惟漢有專門家法代相繼
抵排起後來厥學日蕪穢拾藩象數亡射覆春秋廢脫簡
及徒詩呈漏孰補綴儀禮束高閣更新驚掃地咄哉教化
墮公然用儒戲舉士習民風轉眼趨彫敝俯仰三百年墜
緒隻身寄平生富學涉妙在擇其粹儒先遺訓存煌煌又
安繫旨要胸中藏觸事具源委樸斲資丹腹垣墉待塗墍
片語切生民動求長久利列史廿一家俱傳以經義銓選
倡停年魁柄諉胥吏賦重用不節公私力並悴人才荒游
談言行半敝軌營務耗虛名冊伍罕精銳蒼茫河渠書南
北迭奔潰人心首不平降水安得治居嘗扼腕多籌畫寓
深意長短尺度明輕重權衡備斟酌今古間緩急期有濟

儻能挾之出太平其立致餘波討聲韻往往造超詣周沈
尙拘牽劉黃極乖刺泝洄三百篇理準先河祭以此正唐
音悉珠聯玉比再變而至道閫奧信獨契詩文最矜重予
奪慎所自山斗指韓公辭詔諛墓費水火同救民洞澈天
人際上者扶名教下者伸清議物性析莠苗支派辨涇渭
每當治亂防反覆無畏避能於寸管端斗極迴元氣所爭
國命關豈供估畢計羽翼六藝傳歷歷聽鼓吹下邑有愚
夫章句素自愧一朝覩遺書箒鐙讀再四勦說與雷同頓
啟重重蔽寒芒五曜瞻堪掃眾星彗因言以論人益覺頑
懦礪自飛翟泉鷺乾坤忽鼎沸草澤饒英雄一障惜未試
白日墮虞淵干戈遽內戩時無伐荻人辜負報韓志釋甲
來兩京痛定餘殘淚愁絕孝陵圖感極昌平記荆凡孰亡

存回首迷濠泗矧平喪亂頻邪正嗟倒植頭角自支撐姦
豪反睥睨岸獄拜軒臺家國憂敢置飄零兕虎途轍跡方
迢遘東海望波濤西陲寬形勢世運苟可回未缺囊底智
歎息火井沈衰燄噓難熾自擬不其山禮堂寫文字志仁
死則已晚駕將安稅唏髮靈均游裾恥侯門曳獨於羈旅
中不妄諮利弊殷勤胞與懷絕少優游歲妖讖迄龍蛇一
老天不遺結願漢儒林竟與閩川逝嗚呼撥亂艱數窮大
道閉那無扶搖風縱此垂天翅仲淹沒隋代貴與遘宋季
元經該且要通考詳且邃卽今日知編一經復一緯學易
在庸言無爲虛渺滯考傳在實事無爲傳縶恣喪服補顧
命襲吉可無詈樂章訂雅南誨淫可無累至於三禮修口
誦必躬肄民物徧整頓何謝廊廟器士歸鄉舉良官須久

任昇賦田九式平簡閱四郊萃導川各有宜同文別以類
經術快大行風俗振古配安知公緒言不遲身後慰吾孱
失學久與公生並世道路萬里長未獲函丈侍顧未一得
愚頗慕窮經貴昔賢統系垂私淑乃成例入室仗桓譚盡
發雲亭祕嵩華自云高著腳庶漸企身心肅齋祓典籍嚴
輿衛欲求稊穗登功定深耕概誰謂駑駘庸晞驥終非驥
警欬几席傍恐懼一簣棄

劉文成公祠

自昔生名世經綸草昧長真人起魚服志士應鷹揚厄運
紛蒙古先聲振建康天心懸去就人事決興亡尙憶參戎
略方期靖寇攘爲言偏齟齬戮力竟披猖乍歎宜孫敗兼
悲察罕戕鯨鯢終自橫旄鉞屬誰張帷幄千年合風雲四

海將相韓原有別伐夏有何妨吳楚從容下燕秦次第匡
霸才開一劍帝業定三章末路滋讒間中心倍激昂草無
鐘室赤石有穀城黃功烈同三傑蒸嘗並六王續封仍帶
礪矢報盡厓岡故里山川迴荒祠樹木蒼麒麟思畫像牛
斗看光芒梁甫吟堪老陰符策最良區區圖讖託何足重
旂常

塞外哨鹿歌

北邊萬里開龍沙皇仁遠格同中華時巡歲歲多盛事首
重哨鹿雄奇誇曠原之產不一族麇麇麇麇麇麇麇本朝
行圍等行陣營伍那敢輕囂譁惟茲四十有九部率服久
備國爪牙圍場初合奉宸算下上岡麓陳采宜額勒蘇臺
起香漢幔城嚴肅當正衙旁列戎幄各以次旌旗五色飛

甍人如立草馬如蟻一綫出沒常山蛇星光閃閃互摩
夏不辨刀戟戈矛又左縈右繞鹿齊出匝地驚躍紛於麻
箭聲忽作餓鴟叫蹶腳幾欲赤手拏須臾黃纛從中峙渥
洼天馬蚪五花麗龜達腋不虛發震疊始信威顏加風行
電掃踰晷刻賈勇肯待鼉鼓搥聞弦膽破半自仆亦有帶
創號且呀窮搜務竭猛鷲力他他籍籍載滿車縱教衝突
望潛逸儲胥密布還邏遮湯網特許開一面獻功均獲帝
所嘉吾觀古來賦羽獵其旨大半譏淫奢動稱苑囿奪民
產從禽先爲勞費嗟豈知絕塞乃天設什佰雲夢千瑯琊
用供聖明秋獮樂順時殺伐非過差而況供役並屬國推
心置腹馴荒遐羽林縱間豹尾擁輕裘但控騶與驂矢詩
堪續騶虞什皇哉內外今一家

吳淦炯字鏡秋歙縣人有笙山草堂詩

詩話鏡秋居南昌少與羅飯牛友又從吳園次學倚
聲有香草詞其詩清妙有韻如詠柳云臨風如有待
落日不勝秋吳城鎮云漁火忽成市人煙不近城蕪
城春望云轉眼繁華三月夢隔江零落六朝山皆漁
洋所謂
三昧者

秋夜鄱湖旅泊

水聲喧枕上有夢不相親披衣坐煙艇愴然傷心神客久
情自失天寒日易昏風濤高過屋蘆荻長於人漁火浦溆
暗榜歌答舟鄰去去彭蠡瀦忽忽揚子津太息千里道飄
然一葉身

雪中送汪半亭歸西山

對酒不成醉江城雪正飛可堪時序晚又送故人歸世路
多荆棘文章老布衣西山棲隱處重葺舊松扉

東湖

芳洲一曲水冥冥攬勝憑虛春眼醒繞寺煙光分樹碧隔
江山色挹城青花飛細雨雲卿圃草滿斜陽孺子亭時自
太平身自放不煩人識少微星

草草廬

草草廬何處扶疏竹樹間水聲川上閣雨色畫中山盛世
慚無補居停得此間重賡詩老句題壁漏痕斑

吳山寓樓

松林卧一峯簷隙窺千嶂榻冷下方雲寒潮月初上

白水閘

小灘大灘船逆上朝雨暮雨天晴稀正是水窮雲起處亂

山青斷白鷗飛

吳焯字尺鳧號繡谷錢塘人有葯園詩藁

毛大可曰余儂杭州與時賢往來共推吳子尺鳧為
 藝壇之宗嘗講學沈昭嗣園集諸方主客不設司錄
 而尺鳧以下坐論格物同異一時學者多稱之顧尺
 鳧好自秘日居深巷蒔花種竹足不越戶外而車轍
 常滿且有千里命駕留幸舍而數晨夕者流連文酒
 間嘯歌予汝積所為詩久而成帙自抒所學不務為
 趨逐稟經酌雅動合古法吳退庵曰尺鳧喜聚書
 凡宋雜元稹與舊家善本若飢渴之於飲食求必獲
 而後已瓶花齋藏書之名稱於天下所輯薰習錄則
 記所藏說冊也嘗與沈欒城嘉轍陳蔚九芝光符勿
 魯曾鴈太鴻鵠趙功干昱意林
 信七人各賦南宋雜事詩百首

壺山草堂觀先叔父介菴公收藏歷代名畫卷册歌

吳江楓冷朔雁翔兩月兩度來金閭抖擻寒衣氣瑟縮疏
 窗短日留駒光草堂之中多雅設瓊函玉笈紛在旁鵲爐
 奇古燕籠腦棐几拂拭鋪雲肪栢家一廚久緘閉鄰侯萬
 籛隨低昂憶昔盛年大搜索豪取動破千金償眸子炯如

秋月鑿繭絲細拆犁鍼鋸垂老頭華手不倦緘機謬僞恣
品量我幸此游殊不惡一望飽眼還撐腸大卷引丈橫帛
練小幘尺寸齊珪璋交州雪纒越溪紙一一開陳聞古香
江山雲霧起重疊人物草木都輝煌名公大篇著跋尾學
士薤書題左方華原營邱色澤古後苑河陽歲月長顛老
一山天福側坡公四竹風披猖江南一片真奇逸西蜀萬
本驚擅場元朝四家各面目藝園三品垂芬芳丹邱玉潭
誰輩輩方壺雪谷何堂堂成宏畫院還退舍繪事獨數吳
中強源流分支別南北臺閣定器追晉唐三百年中抉粉
本前有白石後白陽天池潑墨翻海水尙書搖筆凌文昌
羣公衮衮那僕數殘縑流楮非尋常或經補綴賤素舊間
遺姓氏審諦詳漫說寒具驚點污細認縫印窺收藏僅披

卷册歷千百更有苞裹滿石倉勤搜牢記窮曠旭天風飛
雪催歸裝一往決背漸探頂胡爲縮脚嗟望洋江湖豪翰
元有數幾見什襲千明璫吾兄矜貴手未觸有子修飾重
裝潢牧翁作平聲天機之精天帝寶毋使六丁下取將稼軒蘭
長青湖曲壺公鯨游白雲鄉今我一見一太息西望壟樹
煙草黃文采風流不泯沒子孫永保三千霜

寄朱竹垞太史

曾邀夜半撤金蓮蓬閣投簪未暮年誰使山中閒宰相自
知林下卽神仙芸香好護書三萬石凍常消斗十千猶記
城西相送日楊花飛雪斷橋邊

書王昭平先生殉難錄後

請纓一慟淚潺湲空有封章慘聖顏駿馬不鳴風瑟瑟寶

刀欲試土斑斑已拌絕脰酬亡國未放游魂戀故山愁絕
春郊寒食節子規嘯血白楊間

松顛閣

秋風吹客上層臺獨立松顛絕點埃山勢直移高閣去
濤聲橫截大江來冥冥樹色疑將合羃羃巖陰肯放開卻笑
老僧關不住白雲飛出到溪隈

鄒念蓴太湖采蓴圖

青絲蕭散綠波空鴨觜船輕采露叢正值水香春雨後洞
庭山下白蘋風

華岳字秋岳一字德嵩號新羅山人仁和籍臨汀人有
離垢集

張蒲山曰秋岳善人物山水花鳥草蟲皆能脫去時
習力追古法不求妍媚其寫動物尤佳山水未免過

於求脫反有夫

處詩亦古質
詩話元明以來名畫家大抵工詩良由天機清妙契
清於筆墨蹊徑之外非專聲病者可與並論南田
生易代之際瑰意孤衷辭情隱秀未足以畫境限新
羅沈潛畫理直湊單微離垢一集神致傷遠惜古體
過於刻意後來惟松壺堪與抗手而七言歌行尤工
已舉三家庶爲兼美擬諸縱逸一流固靜躁之不同

秋潮

龍君獵秋海甲士三十萬控弦向西發百怪咸走遜當空
曳珠旗颺輪上下飛後軍擊靈鼉白馬無人騎冰雪滿天
來兩岸殷其雷吳雲不得渡越山漸欲摧忽如一匹練并
刀細細裁又如白芙蓉朵朵當花開對此心骨爽登舟駕
蘭槳散髮入中流一嘯千波響江色寒蒼蒼疏林下夕陽
浩歌獨歸去幽夢在龍堂

秋潭吟

川谷險不塞林藪幽可探
夙駕興東郭遙遙詣西潭
坐攬石壁趣潑面飛生嵐
蘿蔓互牽束離芷相鬢髮
烏佚攀樹息魚定抱沙潛
谿噉無止水雲卧有寒巖
明游情已憚暮觀智自酣
感此捐猥吝澄抱絕癡貪

夏日作山水題以填空

梧竹陰已深庭架綠亦茂
夏景呈朱鮮累絡韜芳秀
將學雲鳥游直由意外覲
筆力盡屈盤點刷免荒陋
山令人攀登水令人澣
漱原坦樹檟粉壁敲鑿窗
竇松膏沃徑肥石髓抽蘭
瘦耳目一時移心智忽然湊

同徐紫山吳石倉石筍峰看秋色

披雲深竹裏拄杖亂峰頭
怪石一千尺蒼煙四面流
花幢

飄素影木葉響寒秋願借維摩榻談經坐小樓

春日過紫山草堂不值

曉越城西陌湖風吹客顏蒼煙水窟小小雨花關雞犬
寒梅外琴書深竹間徘徊不敢問獨對南屏山

幽居

白雲嶺上伐松杉架起三間傍石巖妨帽矮簷茅不翦鉤
衣苦竹荀常芟廚穿活水供茶竈壁畫鮮風送客帆自有
小天容我樂且攜杯酒對花銜

夏夕

雷火燒青林海風吹欲暮谿雲不得來雨聲隔煙樹

題松月圖贈甯都魏山人

何來一片月清光淨如水蕩入空翠中松風吹不起

曉景

曉月淡長空新嵐浮遠樹數峰青不齊亂插雲深處

辭楓山以扇索畫題此

徑響登山屐一雙客來訪我綠筠窗扇頭索畫吳淞水
雨煙煙翦半江

寫秋雲一抹贈陳澹江先生

孤情只愛寫寒秋便有秋聲紙上流更寫白雲三四筆此
中曾與故人游

題暉南田畫冊

筆尖刷卻世間塵能使江山面目新我亦低頭經意匠煙
霞先後不同春

孫琮字執升號寒巢江南華亭人有山曉閣詩

詩話清風徑東遠雲間西連魏塘爲江浙分界地末
白牛居士隱居於此寒窠家有老梧兩樹構一小閣
名曰山曉日坐於中藏書數千卷手自鈔閱風雨
寒暑未嘗或輟暇則與一二高僧逸士談禪賦詩蓋
國初江南隱君子也詩如
秋山平遠亦自引人入勝
睡醒

霜寒樹鴉嘯月斜人夢醒梅花紙窗西照見數枝影溪山
跡漸疏別酒情俱屏清鐘遠林來悠然發深省

送牧大師之嚴州

一雁下平皋羣山秋欲暮渺渺大江寒獨挂片帆去雲浮
峯際塔日落煙中樹羨爾月明時嚴灘深夜住

夜宿韜光山樓

秋雲飛盡秋山出石梯百仞煙嵐溼幾經攀躡到山樓山
僧一見如相識樓前澄泓水一窪水中猶種金蓮花香山

居士題詩處樓閣依然夕照斜
佛火微微諸慮冷風枝不動
惟清磬去年春夜宿靈巖
夜色幽清同此境
韜光泉北峯巔
潺湲落枕疇能眠
蒼蒼寒氣三更天
夜靜山高人不
到一聲月下聞虎嘯

姜西溟北歸相值吳門卽送其還四明

憶昔南湖杯酒歇
秋風秋雨人離別
依稀光景二十年
嘯吟夢斷吳山月
今春訪舊來虎邱
偶到閩門一泊舟
城門貫酒逢姜子
執手驚看雪滿頭
雪滿頭兮猶未苦
聞說朝趨丞相府
可憐燕許廟廊才
索米長安望煙火
相君罷政賓客散
客亦南歸返鄉縣
春風茂苑喜重逢
殷勤話舊堪三歎
勸君不如歸故山
讀書依舊掩柴關
風塵幾許紛華子
轉眼亦復非朱顏
嗟我年華過半百
詩酒溪山還莫逆

四明山水是君家憾不相隨挂帆席

慈航道人金正希先生女辛巳春同姪闖客入黃山
掃蘖菴和尚塔相見雲谷賦此贈之

憶昔南都淪覆日金公忠烈間世出崎嶇入閩慨熊公國
脈猶思延萬一天意亡明勢莫回殘生皈命維摩詰南渡
文山有故鄉北征子美無家室一瓢一鉢返江南三峯得
法華山律花宮今日蘖菴師丹陛前朝司諫秩華山圓寂
葬黃山爭光日月金公匹我游黃山至雲谷鐵夫留我方
丈宿松間忽到兩肩輿一是老尼一儒服自言金姓閩客
名奉姑掃塔黃山行姑受蘖菴親付囑言之未盡涕泗傾
太史正希是我祖隱士靜思是我父我父垂髫遭亂離我
祖捐軀報故主祖有女兮年十九迸淚深閨攜弟手驚傳

餘屑破巢搜負弟倉皇竄林藪兢兢形跡恐人知祝髮團
茅苦相守天下承平弟長成歸理家園爲娶婦弟復生兒
喜可知莫謂偷生慚杵臼企熊先約成秦晉兵燹存亡斷
音信藁葬卽是我姑翁往劫沈灰休更訊人生苦海歎茫
茫超登彼岸藉慈航慈航道人翁所命了卻三生夢一場
今年我姑七十八參破石頭知路滑父悲早世未酬恩惜
我青衫難振刷聽罷君言心感切君家大義成貞節鬚眉
當日愧元戎忍把忠良看喋血願君保此黃髮期光照青
史皇天知

夜宿白鶴觀

仙觀知何代長洲古苑東抱琴非舊約清夢許誰同破壁
流春雨殘書溼夜風黃冠饒靜致近日返崆峒

東塔寺同顧司馬晚飯

下馬城東寺銜杯夕照亭
參軍鬚尚紫騎省鬢無青
廚夜停齋鼓溪風動塔鈴
老僧猶識我此地昔曾經

九月

九月天時好微霜入夜清
布衾先得冷草屋不宜城
月助寒溪色泉添落葉聲
道人無世味終日掩柴荆

晚泊練塘

野岸初移艇殘陽雁影遙
晚山煙裏寺遠水月平橋
生計先謀酒歸心早待潮
小園春正好明日是花朝

寄黃九煙

留滯秦淮又幾春
亂離作客倍沾巾
空餘土絮樓中賦
誰識梁鴻廡下身
夜雨滿江銷鐵鑱
秋風無淚灑銅人
白門

楊柳新亭酒醉裏歸來暗愴神

初秋

豆花棚底嫩涼生閒挈藜牀坐晚晴新漲滿陂羣鴨戲夕
陽在樹亂蟬鳴桑麻無恙家麤給葦芡初嘗酒細傾節屆
星橋纔兩日竹樓已卜夜棋聲

夜泊閩門

閩門夜泊意躊躇城郭猶傳舊閩閭畫舫已過寒食後紅
燈不滅上元初元都幾見花重發皋廡甯無客更居詩酒
欲追唐祝興清狂祇恐未能如

留姜西溟

共坐山窗聽鳥嘯午餐相對祇寒齋十年痛我無親養不
畜茅容舊日雞

杜乘字書載號誰堂江都人有誰堂詩集

新秋

薄雲如曳絮天際送新涼暮雨殘花徑秋星淡草堂漏知
前夜短愁比去年長誰復高樓上秦箏響未央

無計

昨日鳴鳩喚夕陽愁聞朝雨打空廊雲沈野寺山如夢花
落平林水盡香一室輕寒徒袖手滿天離思正迴腸子規
嗁罷歸無計強市村醪入醉鄉

秋旅

村村木葉下斜陽百里雲開見故鄉螢火漸稀隋苑冷蘼
蕪不死漢宮荒鮑昭賦後塵封井何遜詩成月滿梁惟有
野鴉驚客意羣呼飛向古雷塘

城上高樓倚暮煙
乾坤秋思莽無邊
蟹肥璧社菰蒲水
酒熟孟城橘柚天
心事幾年羞狗監
人情何處挂龍泉
今宵伏枕窺殘月
書寄山妻亦黯然

壬午仲夏與項伊泰游吉祥寺後范羅赭山林亭諸勝

僧房列肆養新花
傍水湘簾映日斜
白首禪心無著處
茶蘼香裏曬袈裟

北風吹起海雲昏
回首江亭挂雨痕
拄杖不愁歸路險
野花深處是柴門

羅牧字飯牛甯都人

詩話飯牛工畫山水筆墨蒼渾名重江淮間僑居南
昌宋牧仲高其人作二牧說贈之徐榆溪贈詩云影
筆常懸夢裏思十年古道見鬢眉雲
山本是無常主更寫雲山賣與誰

題畫

閣罷樓頭策馬歸人家雙掩夕陽扉自知不是忘機者敢
怪沙鷗見卽飛

臨池不解著思爲此幅居然類大癡望去千山秋色好閒
窗風雨慰相思

青峯兩岸畫天然中許沙鷗自在眠愛殺湖光明似鑑欲
支清俸買魚船

劉瞻榕字于根又字南榮號橙林無錫人諸生

詩話于根爲九峯六子之一顧梁汾極稱之梁汾詩
格亦尙幽夙不取甜俗故有特契于根律細而境補
監則才分大
小不同耳

春日田家

草廬負高阜柴扉面清池村居本自好況有春風吹春風

果何心如與邱園私一夕聲颺瀏千頃新綠滋朝來荷鋤
出對此情自怡時運無或愆力田復何疑倉庚先已覺飛
鳴桑樹枝

虎牢

山險形如削河奔勢若翻中原龍戰後巖邑虎牢存游騎
盤飛磴清笳隱壤垣東西任行客天限只空言

送須覲子還晉陵

啄粟野田黃口雀盡日揮之苦難卻翛然老鶴迴出羣連
軒矯翼誰能馴春風樓前梅花白看花君作西洲客細雨
冥冥梅子肥鷓鴣聲裏送將歸何須咎君言別早客舍雖
佳歸更好一帆明日向東去正是鄙夫心憶處

蔣平階字大鴻江南華亭人

詩話大鴻爲堪輿大家神解超邁近百年來形家奉爲圭臬詩宗唐人才力豐健猶有幾社餘風

禹陵

擣輦逢堯祀垂裳拜舜年
剖圭開日月瘞玉鎮山川
南幸游方豫東巡駕不還
衣冠辭岳牧劍舄步神仙
寢廟春常閉宮車夜自懸
千秋明德遠萬眾寸心虔
海闊滄江外星臨斗柄前
金莖留曉露碧殿瑣青煙
罔兩猶留鼎蛟龍想負船
秦碑荒草合漢時白雲連
蒼水書難得元狐錄可傳
按圖通百粵淚盡九疑天

送李分虎之滇黔

萬里南中路春風入五溪
地分銅柱北山險桂林西
樹酒尊堪泛算船棹自攜
關梁莊躋設碑字武鄉題
水出滇池倒天臨瘴嶺
低鳥言通八部繡面接
諸黎聖武初經略征

南振鼓聲三軍持畢節一戰下和泥荒服開州郡窮邊走
寄鞬闌干紅罽入歌舞白狼齊漢使難重問磨崖不可梯
烏蠻新幕府屬國舊朱提君聽南征曲能令鄉思迷山深
鷄鷄語花老杜鵑嗁河外青蛤縣關前白馬氏還將碧雞
賦遲爾到金閨

范纘字武功號笏溪江南華亭人有四香樓詩鈔

陳乾齋曰范子笏溪世傳堪輿家言以其術行江左揚歙間談論詩文肆應不竭精神掩映傾一座無不以去

查灣步吳梅村先生韻

礪石晝多霧戎戎攬石根落花停水籟深竹護沙門鹿過
疑無路雞鳴忽有村徘徊山吐月清梵報黃昏

湖上

聞越千戈息寒鴉還舊林夕陽依草薄霜信入湖深廢苑
何人到空山獨客心不堪頻駐馬歸路接秋陰

京口石松菴曉望大江

巖窗旅枕每晨興殘月餘光樹幾層露鳥乍驚鄰院鼓曉
船猶帶過江鐙天留一水陪行客秋借青山住老僧遙望
海門初日起微微波面白雲蒸

卽事

雨後鴉聲撼寒樹熒熒漁火隨潮去山前煙霧一時昏隔
溪人問停船處

許尚質字又文浙江山陰人諸生有釀川集

詩話釀川集中哭四先生詩蔣萬公大鴻云棲棲黃
冠游要自有深意世人那得知謂效長林志蓋大鴻
少從夏考功陳黃門游晚更不適意游越自稱杜陵
生又文方少數游杜陵生之門從受詩法也集中附

詞五卷毛西河爲之序日子鄉曩時有創爲西蜀南
唐之音者華亭蔣大鴻也其法宗花間而人之爲草
堂者卻而不進有創爲德祐景炎之士所稱菊山唐珣
垞也竹垞客子那覓郡之景炎處土相率爲怒急偏
蘋洲周密後村仇遠輩而效其倡和相率爲怒急偏
剗之詞而人卒局步而不敢前又文接踵而與標新
傾雋萃草堂之精而一軌於正有近晚唐者
亦有類德祐景炎者要之皆大晟之聲也

下華頂復至斷橋觀瀑

凌晨陟危磴山勢莽回互攀蘿墜巖石觸趾還跼步側身
煙靄間卻立屢驚顧前行踵已沒循跡如蟻附緣厓忽復
暝孤懸一縷路下瞰老蛟窟白日雷霆怒神物有隱見洪
波無寒洑匿景就盤曲蹒跚生恐怖倏同飛鳥翻云向惡
溪渡巨石恣偃蹇奔流疾相赴褰裳涉逾午晞髮聊延駐
不聞人語聲但覺雨如注遙空垂赤虹中斷不得度知是
古仙人戲游博幽趣俄看萬里雲六月生寒霧倒挂枯松

枝噴薄失朝暮直下幾千仞石竇巧嵌護圓壺束紉腰明珠落無數疑有鮫人泣似向真宰訴造幽蕩魂魄發興抒情慄願結丹厓盟庶脫塵網誤

齊河道中

辟塵風鏡隔輕羅贏得征衣嶽色多七十二峯都閱徧又乘疲馬渡齊河

題導山庵壁

四月中筍蕨肥松寮白晝雨霏霏浮生似記重來處樹老無枝僧挂衣

邊維祺字壽民以字行又字頤公號葦間江南山陽人

詩話頤公喜畫蘆雁爲世所重號曰邊雁高詩文贈詩有云才名到處滿人口兩鬢霜侵只狂走費盡香煤百斛餘從教益作邊鷺手其寫生淡逸意境蕭疏無不入妙但以蘆雁稱之淺矣詩多題畫之作亦多

我逸

題畫雁

三三兩兩傍蘆花風動長江月淨沙多少孤舟未歸客十
分秋思在天涯

板橋一曲水通村岸闊沙平絲有痕我畫雁鴻求粉本葦
間老屋日開門

老夫家住水雲鄉畫雁撐蘆是所長粵客持將南海去從
今邊雁過衡陽

沈湛字淵伯嘉善人諸生有閩游草

詩話淵伯少以文名爲陸清獻所許論
詩不喜鍾譚居有五柳遂以名其村

漁梁道中

山勢迂迴梯磴勞漁梁寂寂瀉秋濤儘多斷雁銜蘆出不

住哀猿抱樹號一曲清溪通石澗數稜茅屋露東臯分明
世外桃源路莫遣雲封阻客舫

倪蛻初名羽字振九號蛻翁江南華亭人

詩話蛻翁從甘中丞國壁入滇其後足迹徧天下
晚乃定居昆明西門外石礪村築草堂以居有女日
亦夢贊昆明關氏以外孫爲蛻翁後漢軍張文
和督雲貴爲立石草堂前滇南詩畧附錄其詩

兩發榆城

羅剎愚鬼夜努腳血盆之口眼矐矐掀起陰崖萬斛雲不
許蒼山露林薄蒼山有精神瑟縮洱海煙埋難索摸邪龍
肉翅橫空飛天半銀沙雪花落秋風蕭蕭雞膈膊金葉霜
蹠會騰攫珊瑚鞭九節捶盲煙直指崑崙破寥廓羅剎對此
不敢侮猙面獠牙顏色阻跨蹕空山獨自歸手扶羈縷泣
風雨

蘭州雜詩

振袖上皋蘭煙生閭井寒山深連大漠河急折迴灘人苦
風沙之魂驚行路難隴頭嗚咽水惻惻淚雙彈

晚歸

超忽平原路蕭蕭向晚歸一星霞外出雙雉隴間飛樹亂
村燈暗風恬野燒微鐘聲何處動山靄遠霏霏

馬鳳翥字紹平號恆齋桐城人有復初堂集

詩話桐城馬氏多詩人正誼子六長一公次永公愚
公臨公禹公江公而一公名最彰紹平爲禹公嗣子
其兄弟皆以詩鳴紹平七
律典麗輕圓善於儷事

戴賓有意山書屋談次偶成時賓有舉子

意山書屋我曾過無句堪題邵子窩賣賦近聞車轍滿乞
錢常致酒材多檐前綠竹添新筍石上盤根長舊柯莫笑

客爲湯餅至攜尊高唱待如何

題張義陽道院

道人愛飲靈泉水清曉提壺露溼衣黃葉不離松下火白
雲常護竹間扉厨香齋鉢和鐘動塔響簷鈴識鳥歸何日
丹鑪容我伴荷鋤還問藥苗肥

落葉次江觀察韻

摧枯真覺可憐生繞地漫天太愴情紅似林花辭故蒂黃
隨邊草雜寒聲舊承雨露春何蚤盡脫風霜野乍清莫向
江城高處望許多谿壑掃難平

舞幙穿簾亂眼多不堪裁翦奈愁何輕隨野鳥孤雲去響
蹋空林夜月過題怨漢宮翻舊曲含淒越女罷新羅祇因
一雁蕭蕭下引徧城頭烏尾訛

谷史陶亭

高樓聞枕大湖邊湖上青山山下田共羨子真居谷口方
知彭澤愛斜川扁舟擬擢剡溪雪蓬閣思登閬苑天忽睹
新吟如問渡漁歌樵唱落尊前

送姚象山之粵西

挾策桐江每借籌又攜鉛槧向梧州元龍意氣甯高卧司
馬文章本壯游官舫定期南浦驛賓筵合醉大雲樓欲尋
謝傅庭前詠燕寢凝香好唱酬

夏日睡翁招過方丈卽事偶成

趺坐繩牀萬慮澄寒山一片結同心詩雖壓藥原無病竹
偶吟風可代琴動靜總輸閒處覺去來休向定中尋請看
蜀魄離羣久未必思歸直到今

馬景字南叔桐城人有聽雨樓詩鈔

詩話南叔天性孝友白頭兄弟朝夕起居惟僅先疇數畝僅供饘粥而吟詠自若晨起必讀書一卷自少至老六十年如一日詩筆清和圓穩在元白之間

送千仞弟之西江

征鞍纔卸自青齊又買扁舟聽曉雞孺子亭荒秋水白滕王閣峙暮雲低四山紅樹孤帆遠千里清霜一劍攜送爾更教懷蜀道鴻飛指爪各東西

馬霽字千仞號髻山桐城人諸生有髻山集

游觀音巷

特爲尋幽蹋布鞵上方高處歷重階洞空若蚌含澄水峯峭如錐立亂崖相國金魚墮土落仙人黃鶴著塵埋燒鉛往事多年冷怪底窮愁未有涯

登黃華山和姚敏仲

城中獨聳高山勝到此方聞鳥雀喧一片綠雲鋪雉堞雙
流白練繞江村亭臨小市初通路屋對深林未有門險阻
聽君談鐵嶺入汀州路未曾攀陟已消魂

馬庶字少游桐城人諸生有雙岑詩存

詩話少游勇於爲義有烈士風漫詠詩云君子欲兼
善一身匪瀟灑所貴異碌碌豈徒高磊磊可以知其
志

玉屏精舍夜坐

入夏憚炎燠招涼愛幽境僧房夜未闌竹榻卧已冷遂攬
葛衣起獨倚柴關靜亂泉噴雲根清露滴松頂萬籟寂無
聲半規逗微影谿山取奚盡風月懷自騁借問城市忙何
由鐘磬警

秋老

秋老仍爲客江寒此獨行
殘鐙浮遠夢細雨度深更
舊事何堪憶新愁又易生
霜華催木葉搖落石頭城

晚晴移詩匯卷五十一終